



## МЕСЯЦА АВГУСТА В 11-й ДЕНЬ

Святаго мученика и архидиакона Ёвпла

НА ВЕЧЕРНИ

На Гóсподи, воззвáх: **стихíры прáздника, глас 1.**

*Подóбен: Небéсных чинóв:*

**И**же с Моисéом глаголавый дрéвле / на горé Синайстей óбразы, глаголя: / Аз есмь Бог Сый; / днесъ же на горé Фавóрстей преобрази́ся, / началообразное показу́я, лучáми облистáяся. / Тёмже, Христé, величаю Твою́ силу.

Поёмь особь Твою́, Христé, ученикí, / Петра́, Иáкова и Иоáнна, / волею на гóру сих возвёл еси́, / чúдо страшное показáв / и нестерпíмое Божéственногога пришéствия Твоегó издалéча / присносúщенное благолéпие.

Твоегó, Христé, пришéствия непостижимáго / трéпетни бýвшие апóстоли дрéвле, / ниц на зéмлю пáдше, / Божéственной Твоей дивля́хуся силе: / сóлнца просияв светлée, Блáже, / неизречénною силою Твоею́.

**Ины стихíры святаго, глас 4.**

*Подóбен: Дал еси́ знáмение:*

Дóбре прешёл еси́ страдáния пучíну, / благопáвав, пребогáте, дыхáнии Дúха, / и в тíхое пристáнище устремíлся еси́ Цáрствия Бóжия, / в нёмже болéзней тво́их возмéздие богáтно восприя́л еси́ / и со Ангелы предсто́йши Влады́ще твáри, / венценóсче блажénне.

В порфíру, от крóве обагрéну твою́ю, одéян, слáвне, / и побéды венцём живонáчальною руко́ю

увязён, / на Небесех живёши, сцáрствуя Всещёдрому. / Тёмже ты ублажáем, / я́ко и́стинна мученика, и Сло́ва служителя, / и ве́ры утвержде́ние.

**Евпл чудный,** / та́ин служитель Влады́чних быв, / я́ко овча́ незлобиво, себе́ сама́го приведе́, / посече́н быв мечём, / благово́нно приноше́ние / и а́гна Божественное быв. / Того́ убо ублажáем, / священное его́ страда́ние священно прáзднующе, / мучениколю́бцы, днесь.

### **Сла́ва, и ны́не, глас то́йже:**

**Гора́,** я́же иногда́ мра́чна и дымна, / ны́не же честна́ и свята́ есть, / на нейже но́зе Твоёй сто́яте, Го́споди, / превечно́е бо сокровенное та́инство / напоследок явлено́ сотвори́, / стра́шное Твоё преображе́ние, / Петро́, и Иоáнну, и Иа́кову. / И́же, такова́ сия́ния лица́ Твоего́ не терпя́ще / и свётлости риз Твоёих, / ниц на лице́ земли́ покрывáхуся, / и́же и у́жасом одержи́ми, дивля́хуся, / ви́дяще Моисе́я и Илию́, глаго́люща с Тобо́ю, / хотя́щая приключи́тися Тебе́; / и глас от Отца́ свидетельствоваше, глаго́ля: / Сей есть Сын Мой возлю́бленный, / о Нёмже благоизво́лих, / Того́ послу́шайте, / И́же и да́рует ми́рови ве́лию ми́лость.

### **На стиховне стихи́ры, глас 2.**

**Подобен:** До́ме Евфра́фов:

**Естество́,** е́же во Ада́ме, / Христо́с обновити хотя́, / на го́ру ны́не / восходи́т Фаво́рскую, / обнажа́я ученико́м Божество́.

**Стих:** Тво́я суть небеса́, / и Тво́я есть земля́.

**Свет триси́янный,** / облистáв неизрече́нно, / Божественны́я Твое́я сла́вы, / на горé Фаво́рстей, Спа́се, / вся́ческая уясни́.

**Стих:** Фаво́р и Ермо́н / о И́мени Твоём возра́дуетсяя.

**Внеза́пу** ученицы́, / премене́ние ви́девшие оде́жды / и всего́ телесе́ Твоего́, Сло́ве, / ни́цы па́дше, / поя́ху.

### **Сла́ва, и ны́не, глас 4:**

**На горé** вы́соце преобра́жся, Спас, / верхо́вныя имéя ученики́, / пресла́вно облистáл есть, / пока-



зүя, яко высотю добродетелей облиставше, / и Божественней славе сподобятся. / Глаголющии со Христом Моисей и Илия показоваху, / яко живыми и мертвыми обладает / и Иже древле законом и пророки глаголавый есть Бог, / Емуже и глас Отч из облака свѣтла послушествоваше, глаголющій: / Того послушайте, / Иже Крестом ада пленивша / и мертвым дарующа живот вечный.

**Тропарь, глас 4:**

**М**ученик Твой, Господи, Евпл / во страдании своем венец прият нетленный от Тебе, Бога нашего: / имеяй бо крепость Твою, / мучителей низложи, / сокруши и демонов немощныя дерзости. / Того молитвами / спаси души наша.

**Слава, и ныне, праздника, глас 7:**

**П**реобразился еси на горе, Христе Боже, / показавый учеником Твоим славу Твою, / якоже можяху, / да возсияет и нам, грешным, / Свет Твой присносущный / молитвами Богородицы, / Светодавче, слава Тебе.

**НА УТРЕНИ**

**По 1-й стихологии седален, глас 4.**

**Подобен: Удивися Иосиф:**

**На** горе Фаворстей преобразился еси, Боже, / посреди Илий и Моисея премудрых со Иаковом, и Симоном, и Иоанном. / Петр же, сый ту, сия Тебе глаголаше: / добро есть zde сотворити три сени / едину Моисею, и едину Илий, и едину Тебе, Владыце Христу. / Иже тогда сим Свет Твой возсиявый, просвети души наша.

**Слава, и ныне, тойже.**

**По 2-й стихологии седален, глас тойже.**

**Подобен: Явился еси днесь:**

**Праздник** пресветел Владычень прииде, / придите вси, на гору, умно предпочистившися, взыдем Фаворскую, / Христа видети.

**Слава, и ныне, тойже.**

**Канон** праздника со ирмосом на 8. Творение кир Космы, глас 4.

## Песнь 1

**Ирмос:** Ли́цы израильтестии, / невла́жными стопа́ми / понт Чермный и вла́жную глубину́ прогна́вше, / вса́дники триста́ты враги́ ви́дяще в ней погруже́ны, / с веселием по́яху: / по́йм Бо́гу нашему́, я́ко просла́вился.

Глаго́лы животи́ныя друго́м Христо́с / и о Божестве́нном наказу́я Ца́рствию, рече́: / во Мне Отца́ позна́йте; / Све́том я́ко облистáя непристу́пным, в ра́дости пою́ще: / по́йм Бо́гу нашему́, я́ко просла́вился.

Си́лою язы́к облече́теса, дру́зи учени́цы, / чу́дни же бу́дете в бога́тстве их, я́ко сла́вы напо́лнитеса, / я́ко явлю́ся светле́е со́лнца, облистáя в ра́дости пою́щих: / по́йм Бо́гу нашему́, я́ко просла́вился.

Днесь Христо́с, на горе́ Фаво́рстей просия́в я́сно Божестве́нною заре́ю, / я́коже обеща́ся, учени́ком обнажи́ зрак, / светно́сныя же напо́лнившеса Божестве́нныя зары́, в ра́дости по́яху: / по́йм Бо́гу нашему́, я́ко просла́вился.

**Ин канон свята́го на 4, егóже краегранёсие:** Сла́внаго Ёвпла благоче́стно восхваля́ю. Творе́ние Ио́сифово, глас 4.

## Песнь 1

**Ирмос:** Триста́ты кре́пкия, / Рождей́ся от Де́вы, / безстра́стия во глубине́ / души́ трича́стное пото́пи, молю́ся, / да Тебе́, я́ко в тимпа́не, / во умерщвлéнии телесе́ / побéдное воспою́ пéние.

Ору́жием Креста́ до́бре преплы́в, вшел еси́ в приста́нище жи́зни, / в нёмже ра́достно водворя́йся, сла́вне, / уста́ви се́рдца моего́ многомяте́жное волне́ние, / ти́хо сла́вити па́мять твою́.

Всесве́тлая звезда́, добродетельными́ учéнии озаря́я ве́рныя, / возсия́л еси́, му́дре, честне́й твёрди, Ёвпле, церкóвней / и мрак отгна́л еси́ де́монский си́лою духо́вною.

Вжиля́емь, му́дре, Божестве́нною си́лою, / дерзнове́нным по́мыслом, Бо́га, от Бо́га рождённаго, пропове́дал еси́, / распя́тие во́лею претерпе́вшаго и сме́ртию сме́рть разо́ршаго.

Да подви́жатся к твоёму́ хвалéнию вся́ка уста́, / я́ко из уст вра́жиих Божестве́нными учéнии,



Богонóсе, исхíтил еси́, / вся, благопоко́рно приéм-  
 шия словеса́ тво́я, страстнóсче Христóв дóбле-  
 ственне.

**Богорóдичен:** Уяснív Твою́ Христóс утрóбу  
 светнóсную снítием стра́шным, / я́ко со́лнце,  
 Чíстая, сýщим в мíре возсия́, / решá многобóжия  
 мглу тёмную и просвещáя мíра концы́.

### Песнь 3

**Ирмóс:** Лук сýльных изнемóже, / и немощствý-  
 ющии препоясашася сýлю, / сегó рáди утвердýся  
 в Гóсподе сёрдце моё.

Во всего́ Ада́ма облéкса, Христé, / очернёвшее,  
 измени́в, просветíл еси́ дрéвле естество́ / и изменé-  
 нием зрáка Твоегó богосодéлал еси́.

Столпóм огнезра́чным и óблаком дрéвле / Ё́же в  
 пусты́ни Изра́иля ведýй, / днесь на горé Фавóр-  
 стей неизречéнно во свéте Христóс просия́.

### Ин

**Ирмóс:** Я́ко непло́ды родí от языкъ Цёрковь, / и  
 мно́гое в ча́дах изнемóже сонмище, / чýдному Бóгу  
 нашему́ возопи́м: / Свят еси́, Гóсподи.

Себé самáго издал еси́, я́ко áгнец, / волею  
 заклáтися хотя́ за Христа́, / тебé рáди волею  
 обнищáвшаго и заклáвшася, Ё́впле всеблажéнне.

Заколéние непорóчно, благовóнна жёртва / и  
 приношéние совершéнно принéслся еси́ Бóгу,  
 рáдостно, блажéнне, вопия́: / Свят еси́, Гóсподи.

Закóны утвержда́емъ Евáнгельскими, Богомýд-  
 ре, / посреди́ мужéй беззакóнных предстáл еси́,  
 зовýй я́ве: / не и́щущим обретóхся, обличíти сих  
 злочéстие.

**Богорóдичен:** Бог, посреди́ Тебé вселívся, / ни-  
 ка́ко дéвства Твоегó ключá поколебá, Чíстая, /  
 Егóже прилэ́жно моли́, утвердíти вся, пою́щия Тя.

### Конда́к свята́го, глас 1.

**Подóбен:** Лик а́нгельский:

**З**акóны Христóвы в руку́ обно́ся, / предстáл еси́,  
 вопия́ врагóм, в пóдвизе: / самозва́н есмь стра-  
 да́льчествовати твердéйши. / Тёмже, приклонív  
 рáдостно в́ью твою́, / подъя́л еси́ усечéние мечём, /  
 скончáвый течéние твоё.

### Седáлен, глас 1.

Подóбен: Гроб Твой, Спа́се:

Ору́жием Крестá дóбре преплыв, / вшел еси́ в пристáнище т́ихо Неб́есных жилищ, / в н́емже водворя́ясь, / творя́щим твою́ па́мьть моле́бную тво́их по́двиг днесь, моли́ся Зижд́ителю, / избáвися от вся́кия н́ужды и скорб́ей.

### Сла́ва, глас 4:

Хри́стовых та́ин досто́ин бысть, Богому́дре Ёвпле, / возсия́л еси́ блиста́нием Бож́ественнаго Ду́ха, / блазнь\* всю до конца́ потреби́л еси́, / тем страда́нием зми́я победи́. / Но я́ко жёртва при́ятна принес́еся Творцу́, / сего́ ра́ди вопие́м ти: / моли́ Хри́ста Бо́га о всех нас.

### И ны́не, пра́здника, глас то́йже.

Подóбен: Удиви́ся Ио́сиф:

Непристу́пную Твое́ю, Хри́сте, сла́вою Бож́ественнаго Твоего́ Све́та, преобра́жся, / Твоя́ облиста́л еси́ Бож́ественныя учени́ки, Иоáнна, и Петра́, и Ио́кова, / ужаси́л еси́ тех Бож́ественною благода́тию. / Глас же Оте́ч, возлю́бленнаго Сы́на свидете́льствующ, слы́шаша / и ви́деша лица́ Твоего́ сла́ву, Спа́се. / И́же всех, Сло́ве, спасти́ хотя́, просвети́ ду́ши на́ша.

### Песнь 4

**Ирмо́с:** Услы́шаш сла́вное смотре́ние Твое́, Хри́сте Бо́же, / я́ко роди́лся еси́ от Де́вы, / да от ле́сти избáвиши зову́щия: / сла́ва си́ле Твое́й, Го́споди.

Зако́н в Сина́и писа́нием вообража́я, Хри́сте Бо́же, / во о́блаце, и огни́, и мра́це, и в ви́хре яви́лся еси́ носим: / сла́ва си́ле Твое́й, Го́споди.

Да уве́риши сла́вное стро́ение Твое́, Хри́сте Бо́же, / я́ко Сый пре́жде век и То́йже на о́блаце восхожде́ние положи́вый, / на Фаво́ре неизрече́нно просия́л еси́.

Соглаго́люще, предсто́яху раболéпно Тебе́, Влады́це Хри́сту, / к н́имже па́рою огня́ и мра́ка и то́нким хла́дом бесе́довал еси́: / сла́ва си́ле Твое́й, Го́споди.

\* блазнь — заблуждение



**Возвещаху** славное Крестá ради Твоего, на Фавор пришедше, / иже во огни Ты и купинé дрéвле предвидевый Моисей / и взятый на колеснице огненной Илия, Христé.

**Ин**

**Ирмос:** *Любвэ ради, Щедре, Твоего образа, / на Крестé Твоём стал еси, / и растаяшася язъцы: / Ты бо еси, Человеколюбче, / крепость моя и хваление.*

**Храм** одушевлен Троицы Пресвятыя яко войстинну явился еси / и храмы идольския, Евпле, низложил еси оружием веры.

**Наслаждайся** добротою Божественною, Евпле, / раны, и болéзни, и всякия мýки, блаженне, преобидел еси / и, радуясь, пострадал еси.

**Высокомудренное** сердце Паламниово, / смирився, Богомудре, смирил еси, мучениче, / и к Вознесшему человеки возшел еси.

**Распалю** ревностию Владыки, / всяку лeсть, мучениче, запалил еси войстинну / и к мучению усердно отлучился еси.

**Богородичен:** *Молят* богатии людие Твой Тя рождшую Отроковицу, / обогатившаго всех Божественными разумении, Христá Бóга нашего.

### Песнь 5

**Ирмос:** *От свёта пресекий первородный свет, / яко во свёте дела поют Ты, Христé, Содетеля, / во свёте Твоём пути наша направи.*

**Пред** лицом Твоим горы уклонишася, / свет бо и пред ногами неботечныя лучи, Христé, солнца прииде, / зрак зéмлен яко прияти благоволил еси.

**Се** Спас,— / вопияху Моисей и Илия учеником, / на горé святэй Фаворстей оглашаемым,— / Христос, Егóже дрéвле провозвестихом Сущаго Бóга.

**Неизменное** естество, человеческому примешся, / обильно невещественнаго Божества Свет / изобнажив апостолом, неизреченно возсия.

**Тя,** присносущное сияние, во Отчестей славе / ученицы яко видевше возсиявша, Христé, Тебé вопияху: / во свёте Твоём пути наша направи.

**Ин**

**Ирмос:** *Нечестивии не узрят славы Твоея, Христé, / но мы Ты, Единородне, / Отчесткия славы*

**Сияние Божества, / от нощи утренююще, / воспеваем Тя, Человеколюбче.**

**Весь мановении Божественными просвещся и мужеством укрепься, / яко лев изряден, ты к судищу, надеяся, потекл еси, / злочестие побеждая.**

**Даёт тебе безпечальную жизнь Избавитель, / за Негоже смерть горькую, страстоточче славне, претерпевшему, / и с лики причитаёт ты мученик добльствовавша.**

**Преклонил еси выю твою усердным помыслом / и, во главу усечен, Христу яснее и чище приближился еси, преподобне, / наслаждаяся обожения.**

**Богородичен: Вышши явилася еси Ангел войстинну, / Ангелов Творца паче ума рождши, / прославльшаго святых мученики, Пресвятая Мати Дево.**

### Песнь 6

**Ирмос: Внегда скорбети ми, / возопих ко Господу, / и услыша мя Бог спасения моего.**

**Сияния паче солнца Свет яснейший, Спас, просияв на Фаворе, / нас просветил есть.**

**Возшед на гору Фаворскую, преобразился еси, Христе, / и, леств всю омрачив, нас просветил еси.**

**Тя Бога познавшие славному апостоли, / на Фаворе же, Христе, удивльшеся, колена преклониша.**

### Ин

**Ирмос: Приидох во глубины морския, / и потопила мя есть буря многих грехов, / но, яко Бог, из глубины, возведи живот мой, Многомилостиве.**

**Точа кровь, предстал еси моему Подвигоположнику, доблий Евице Богомудре, / и от Него венцы приял еси победы, радуяся.**

**Стал еси пред судищем мужески, / Владычния заканы руками твоими, Евице, держа / и явственно беззаконныя, преподобне, обличая усердно.**

**Мук множества не убоявся, ни ужася меча, / истину ты на судищи мучителей благочестно проповедал еси / и леств умертвил еси.**

**Богородичен: О, чудо преславно! / Како раждаеши, искуса мужеска не познавши? / Како же питаеши, Дево Мати, Подателя войстинну млека / и Питателя всей твари?**



### Конда́к праздника, глас 7:

**Н**а горé преобразылся еси́, / и якоже вмеща́ху  
ученицы́ Твои́, / сла́ву Твою́, Христе́ Бо́же,  
видеша, / да егда́ Тя ўзрят распина́ема, / страда́ние  
ўбо уразуме́ют во́льное, / мірови же пропове́дят, /  
яко Ты еси́ вои́стинну Отче́е сия́ние.

### Ўкос:

**В**оста́ните, лени́вии, и́же всегда́ ни́зу пони́кшии  
в зéмлю ду́ш моея́ по́мыслы, / возми́теся и возвы́-  
ситесь на высоту́ Божéственнаго восхожде́ния. /  
Притеце́м к Петру́ и к Зеведе́евым / и вку́пе со  
о́ними Фаво́рскую го́ру дости́гнем, / да ви́дим с  
ни́ми сла́ву Бо́га на́шего, глас же услы́шим, / его́же  
свѣ́ще слы́шаша и пропове́даша Отче́е сия́ние.

### Песнь 7

**Ирмо́с:** Авраа́мстии иногда́ в Вавило́не о́троцы /  
пéщный пла́мень попра́ша, / пéсньми взыва́юще: /  
оте́ц на́ших Бо́же, благословéн еси́.

**Облиста́вшися** Свéтом непристу́пныя сла́вы на  
Фаво́рстей горé, / апо́столи Христу́ вопия́ху: / отéц  
на́ших Бо́же, благословéн еси́.

**Сия́нием** Божéственнаго шу́ма, и росода́тельным  
о́блаком, Христе́, / и заре́ю Твое́ю наслажда́еми,  
апо́столи поя́ху: / отéц на́ших Бо́же, благословéн  
еси́.

**В** непристу́пном Свéте, я́ко ви́де Тя Петр, / на  
Фаво́рстей горé облиста́вша, Христе́, возопи́: /  
оте́ц на́ших Бо́же, благословéн еси́.

**С** Нача́льником жи́зни Хри́стом сýще, дéти  
Зеведе́евы, / я́ко испусти́ зра́ка Свет, возгремéша: /  
оте́ц на́ших Бо́же, благословéн еси́.

### Ин

**Ирмо́с:** Ю́ноши три в Вавило́не, / велéние мучите́-  
лево на буйство прелóжше, / посреде́ пла́мене  
вопия́ху: / благословéн еси́, Го́споди, / Бо́же отéц  
на́ших.

**Ка́плющи** твоя́ кровь на зéмлю, / угаси́ огонь  
прéлести, всеблаже́нне, / Хри́стову же Цéрковь  
богáтно напои́ла есть, / благоче́стно воспева́ющую  
тя.

**И**мѣя мѹдрость крѣпку и непоколебѣим помысл, / прѣлесть потрясл есѣ / и предстоящія лжи неложными обличѣл есѣ учѣнии, Евпле всемѹдре.

**Д**верь тебѣ райская, Евпле, мѹчениче Христѹв, отвѣрзеса, блаженне, / украшена видевши Божественным страданіем и побѣдным венцем.

**У**глем Божественным очѣстив, мѹчениче, дѹшу, / углие погасѣл есѣ многобожія, зовѣй: / благословѣн есѣ, Гѹсподи, Бѹже отѣц наших.

**Богорѹдичен:** Твою Божественную утрѹбу пещь персская вообразѣ, Пренепорѹчная, / спасаѣет юноши неопальны, взываѹщи: / Гѹсподи, Бѹже отѣц наших, благословѣн есѣ.

## Песнь 8

**Ирмос:** **В** Вавилѹне ѹтроцы, / Божественною распалаѣми рѣвностію, / мучѣтеля и пламене прещѣние мѹжески попрѣша / и, посередѣ огнѣ ввѣрже ни, орошаѣми, пояху: / благословѣте, вся дела Гѹспѹдня, Гѹспода.

**М**ановѣнием вся носѣй, ногами пречѣстными на гѹру взѣде Фавѹрскую Христѹс, / на нейже пѣче солнечныя лучѣ облистѣ лицѣм, / ѣже закѹну старѣйшія и благодѣти показѣ поѹщія: / благословѣте, вся дела Гѹспѹдня, Гѹспода.

**Н**епрѣстѹпную слѣвою на горѣ явлься неизрѣченно Фавѹрстей, / неодолимый и незаходимый Свет, Отчѣе сѣяние, / тварь уяснѣв, человекѣ обожѣ, поѹщія: / благословѣте, вся дела Гѹспѹдня, Гѹспода.

**С**вященнолѣпно стояще Моисѣй же и Илїя на горѣ Фавѹре, / Божественныя начертѣние ясно ипостѣси видевше, / Христѣ, во Отчѣестей облистѣвша слѣве, воспеваху: / благословѣте, вся дела Гѹспѹдня, Гѹспода.

**И**же во зрѣце Божественнаго рѣди явлѣния лицѣ прослѣвѣся иногда Моисѣево, / Христѹс же, яко рѣзою, Свѣтом и слѣвою одеваѣтся, / Свѣта бо самодѣтелен Сый, озарѣет поѹщія: / благословѣте, вся дела Гѹспѹдня, Гѹспода.

**О**т светорѹдна ѹблака Христѣ ученицѣ ѹбѣята зрѣще на Фавѹре / и нѣцы на зѣмлю падше, ум



просвѣщше, / со Отцѣм Сего пояху и Духом: / благословіте, вся дела Господня, Господа.

### Ин

**Ирмос:** *Избавителю всех, Всесильне, / посреде пламене благочествовавши, / снизшед, оросил еси / и научил еси пѣти: / вся дела, благословіте, пойте Господа.*

**Недугов** всяческих очищение и духов лютых прогонение твоя суть мощи, / яже обступивше, вопиём: / благословіте, вся дела Господня, Господа.

**О** тебе верных собор возрадовался, / ко Христу ты ходатая стяжав, / и молитвенника тепла, и предстателя, всеблаженне Евпле диаконе, / святых Ангел собеседниче.

**Сошедшеса**, почерпите, человецы, / недугов различных исцеление от раки мученика и возопийте верою: / благословіте, вся дела Господня, Господа.

**Богородичен:** *Украсися, Чистая Всенепорочная, / паче всякаго ангельскаго благолепия, / Творца рождши человеков и Ангелов. / Емуже поём: / благословіте, вся дела Господня, Господа.*

### Песнь 9

**Ирмос:** *Рождество Твое нетленно явися: / Бог из боку Твоею пройде, / яко Плотносец явися на земли / и с человеки поживе. / Тя, Богородице, тем вси величаем.*

**Ужасни** новым светолитием внезапно ученицы освещшеса, друг друга зряху, / удивльшеса же и к земли преклоньшеса, / Тебе, Владыце всех, поклоняшася.

**Шум** из облака посылашеса богогласен, известуя чудо: / Отец бо Светов, — Сей есть Сын Мой возлюбленный, — апостолом вопияше: / Того послушайте.

**Новая** видевше и преславная, глас Отеческий внушивше, / на Фаворе Словесе слуги, изображеніе Первообразнаго, / Сей есть, — вопияху, — Спас наш.

**Образе** непремѣнный Сущаго, недвижимо, печать неизменна, / Сыне, Слове, мудросте и мышце,

деснице Вѣшняго, Сило, / Ты воспевáем со Отцѣм же и Духом.

### Ин

**Ирмос:** *Ева ўбо недўгом преслушáния / клýтву вселѣла естъ; / Ты же, Дѣво Богородице, / прозябѣнием чревоношѣния мѣрови Благословѣние процвелá еси. / Тем Ты вси величáем.*

**Видети** сподобився войстинну, пребогáте, дáльная, / тебѣ желáемое стяжáл еси желáние, / я́ко достѣг сáмое желáнных совершѣние, / желáния твоегó я́ве преход, *Евпле, диаконе досточўдне.*

**Я́ко** скипетр, держá Крест, блажѣнне, рукою твоею, / багрянѣцу, ю́же от кровѣй священных твоих омочѣл еси, свѣтло обложѣн, / Христý Царю ны́не предстоиши, / *Евпле, диаконе досточўдне.*

**Днесь** Катáнии честнáя митропóлия, хранѣтеля тоя изрýдна тя стяжáвши, / прáзднует, Божѣственное совершáющи твое страдáние, / со всѣми епáрхиями и грады, / ю́же снабдиши твоими мольбáми.

**Сóлнце** всесвѣтло я́ве был еси / и к сия́нию преселѣлся еси, мучениче, Божѣственному, / причáстием обожáемь Божѣственным, блажѣнне, / и ны́не просвещáеши пою́щия твое свѣтонóсное страдáние.

**Богородичен:** *Свѣта лучáми, е́же в Тебѣ, Богоневѣсто, дýшу мою просвети, / лежáщую в рóве погѣбели возста́ви, / враги́ разражáющи, оскорбля́ющия прѣсно сѣрдце моѣ / и к страстѣм поревáющия мя.*

### Светѣлен прáздника:

**Свѣте** неизменный, Слóве, Свѣта Отцá нерождѣнна, в явлѣнном свѣте Твоѣм, / днесь на Фавóре Свет видѣхом Отцá, Свет и Дýха, / Свѣтом наставля́ющаго всю тварь.

**Слáва, и ны́не, тóйже.**

**На стихóвне стихѣры, глас 2.**

**Подобен:** *Дóме Евфрафов:*

**Рáдуется** трóица / Божѣственных апóстол, / я́же Трóицу виде, / по существý Едѣнаго, / на горѣ Фавóрстей.

**Стих:** *Твоя́ суть небеса́, / и Твоя́ есть земля́.*



**Благоже тебе, Фаворе, / иже первее мрачный: / Света бо сподобился еси, / не чувственного солнца, / но Вышня сѣтлости.**

**Стих: Фавор и Ермон / о Имени Твоем возрадуется.**

**Светом убо / Твоего лица осиявшеся, / ученицы Твой, Спасе, / не терпяще зары, / на землю внезапно падоша.**

**Слава, и ныне, глас и подобен тойже:**

**Глас же Отеч / с Небесѣ слышан бысть: / Сей есть,—вопиющий,— / Сын возлюбленный Мой, / Того вси послушайте.**

### НА ЛИТУРГИИ

**Блаженны праздника, обоих канонов песнь 6-я со ирмосом на 6.**



**Святой мученик и архидиакон Евпл** пострадал в 304 году в правление императоров Диоклитиана (284—305) и Максимиана (284—305), воздвигнувших гонения на христиан. Он был архидиаконом в городе Катаны на острове Сицилия. Усердно исполняя диаконское служение, святой Евпл постоянно проповедовал

истинную веру. Он всегда имел с собой Евангелие и, ходя из дома в дом, читал людям о чудесах Господа Иисуса Христа. Однажды в Катану явился отряд язычников для выявления тайных христиан. На святого Евпла донесли, и он был взят под стражу. После того, как он отказался поклониться языческим идолам, его подвергли жестоким пыткам. Тело мученика строгали железными гребнями, а кости перебили молотом.

Ни тяжкие муки, ни лукавые посулы всяческих земных благ, если он отречется от Христа, не смогли поколебать твердости исповедника. Тогда мучители решили подвергнуть его медленной смерти от голода и жажды. Страдальца заключили в тюрьму и запечатали дверь. Через семь дней, почувствовав нестерпимую жажду, святой стал усердно молиться к Богу, и внезапно в темнице появился водный источник. Когда через некоторое время сюда вошли воины, то увидели, что темница полна воды, которая исчезла по мановению руки мученика. Увидев, что святой жив, градоначальник-язычник повелел отсечь ему уши, а затем и голову. На месте казни перед смертью святой Евпл вновь проповедовал Евангелие. Его останки были благоговейно погребены христианами, при гробнице святого мученика происходило множество исцелений.



В  
ТОЙЖЕ  
ДЕНЬ

**Святых преподобномучеников  
Феодора и Василия,  
в Ближних пещерах почивающих**

**НА ВЕЧЕРНИ**

**Блажен муж: 1-й антифён. На Господи, возвах:  
стихиры преподобному Феодору, глас 6.**

**Подобен: Все отложше:**

**В**се собрал еси тленное сокровище, / и, Христову  
последуя речению, / отче наш Феодоре блажен-  
нейший, / раздал еси то требующим, / и сих руками  
внесл еси на место некрадомо, / отнюдуже светом  
благодати обогатився, / просиял еси в мире, аки  
солнце; / и ныне предстои со дерзновением Влады-  
це, / светлых твоих дарований лучами просвети  
поющая память твою.

**Желая умное восприяти богатство, / о чувстви-**  
тельном не радил еси, / еже предав в руки нищих, / сам  
изволил еси в нищете обнищавшему нас ради  
Христу последовати, / и, Того крест на рамо  
восприемь, / тесный путь прошел еси, / и по  
кончине блаженней пространный места наследо-  
вал еси, / идеже со Ангелы водворяясь, / моли о  
восхваляющих тя, Феодоре преблаженне.

**Вся оставль красная сего мира, / иноческий**  
образ восприемь радостно / и в нем добре подвиз-  
зався, / в темную вселился еси пещеру, / идеже  
многим воздержанием и труды плоть свою духови  
покорил еси / и, уязвив уязвляющего тя супоста-  
та, / прогнал еси того крестным оружием. / И ныне  
во свете живый неприступнем, / помяни и нас,  
празднующих честное твоё преставление.

**Ины стихиры преподобному Василию,  
глас 4.**

**Подобен: Дал еси знамение:**

**Закон, иже в писании, исполняя, / преподобне**  
Василие, / стяжав любовь к Богу, / возлюбил еси и  
ближняго, яко сам себе, / и того утвердил еси,  
блаженне, / не поколебаться от невидимаго вра-



га, / нанъже дарова тебе крепость Иисус  
Человеколюбец / и Спас душ наших.

**И**мый во устех, преблаженне, / солюю благодати  
слово растворенно, / согнившееся сребролюбием  
сердце утвердил еси в добростояние паки, / кры-  
ющегося же змия явил еси козни / и прогнал того  
далече о Имени Христове, / Егже устрашаются  
противныя силы.

**Т**вердая любве союзом связавшися, преблажен-  
нии отцы, / обрестостеся еще в жизни сей аки град  
тверд, / егже не возмогоша лестнии подкопати  
лютаго велиара служителие / и, претворшися в  
бегство, язвеннии падоша, / вы же воспесте во  
хвалении: / сила наша и крепость Иисус  
Человеколюбец / и Спас душ наших.

### Слава, глас 6:

**Т**реблаженнии отцы, / доблии оружницы Хри-  
стовы, / вы глаголом непрестанныя молитвы, /  
восприемше щит несумненные веры, / упованием  
же на Бога препоясавшися, / победили есте демон-  
ския полки / и, в крови мучений ваших ризы  
исправше \*, / внидоште в Чертог Небесный, / отню-  
дуже и нас не забудьте, / но ущедрите ны, /  
просяще нам у Христа Бога мира и велия милости.

### И ныне, праздника.

**Вход. Прокимен дне. И чтения 3 преподобниче-  
ская (зри страницы 113—115).**

### На стиховне стихиры, глас 2.

**Подобен: Егда от Древа:**

**Е**гда благодать Духа Пресвятаго / огнем теплая  
любве к Богу / распали твоё сердце, преподобне, /  
тогда, вся презрев красная мира сего / и Владыч-  
ним стопам последуя, / тесный в жизни сей изво-  
лил еси путь шествовати, / крест Христов на раму  
нося, / и долготерпением вошел еси в пространная  
места, / отнюдуже и нас не забуди, / верую блажа-  
щих твою честную память, Василие.

**Стих: Восхвалятся преподобнии во славе / и  
возрадуются на ложах своих.**

\* исправше — очистивше, освятивше

**Б**ѣгая молвы и мятѣжа, / пленяющаго ум челове́ческий в напа́сти, / вся отве́рг, преблаже́нне, / на безмо́льное отше́л еси́ ме́сто, / в те́мную всели́вся пеще́ру, / и ту сотвори́л еси́ а́ки рай не́кий прекра́сен, / мно́гими же труды́ в ней пожив, / невидимыя враги́ одолел еси́ / и А́нгелом собесѣдник показа́лся еси́. / И ны́не с ни́ми Влады́це Христу́ предсто́я, / моли́ и о нас, свя́те Феодо́ре, / да изба́вимся от вся́кия молвы́ и напа́сти.

**Стих:** Честна́ пред Го́сподем / смерть преподо́бных Егó.

**Л**ѣствицу ви́дяще, отцы́ свяще́нейшии, / от горы́ святы́я Пече́рския к небеси́ утвержде́нну, / на нейже Бо́жия Ма́ти положи́ Своё селѣние, / и а́нгельстии ли́цы со святы́ми по ней к Небеси́ восхожда́ху, / тех стопа́м последовали есте́, а́ки безплóтнии, / и, возше́дше ве́дением и дея́нием, / ны́не предстоите́ Святе́й Трои́це, / иде́же помяните́ и нас, покланя́ющихся мо́щем ва́шим, преблаже́ннии.

### Сла́ва, глас 1:

**М**но́гими по́двиги просия́вше в ми́ре, / святы́и мученицы, Феодо́ре чу́дне с Васи́лием доблему́дрым, / преиспещре́нною ри́зою оде́ястесь / и живе́те ны́не во све́те присносу́щнем, / отню́ду же при́никше на земна́я, / све́тлых дарова́ний ва́ших луча́ми / нас, во тьме жити́я сегó бе́дствующих, просвети́те / и испроси́те от Христа́ Бо́га ве́лику мило́сть.

### И ны́не, пра́здника.

### Тропа́рь, глас 1:

**С**ою́зом любве́ связа́вшеся, преподо́бнии, / всяк сою́з ко́зней вра́жиих попра́сте, / страда́ние же и смерть непови́нне / от сребролюбива́го кня́зя претерпе́сте до́бле, / тем мо́лим вас, вку́пе поживших / и венцы́ мучѣния приѣмших, / моли́теся Го́сподеви о нас, / я́ко да во мно́зей любви́, ве́ре и наде́жди до́бре поживше, / всегда́ ублажа́ем вас, / Феодо́ре и Васи́лие добропобе́днии.

### Сла́ва, и ны́не, пра́здника.



## НА УТРЕНИ

**На Бог Господь: тропарь праздника дважды. Слава, преподобным. И ныне, праздника.**

**По 1-м стихословии седален, глас 1.**

**Подобен: Гроб Твой, Спасе:**

**Добрую двоицу преблаженных отец, приидите, людие, песньми почтим: / сии бо, много искушени бывше, чистее злата явшася в мире / и ныне, Престолу Владычню предстояще, / во многих напастех бедствующим пособствуют, / да примут от всех искушений освобождение.**

**Слава, и ныне, праздника или Богородичен:**

**Мирю всему Скороая Помощнице и обуреваемым тихое пристанище, / нас, влающихся самохотных страстей волнами, / приведи в тишину скорую благодати Твоея / и избави от бед поющих Ти: / радуйся, всех радости и спасение.**

**По 2-м стихословии седален, глас 4.**

**Подобен: Явился еси:**

**Многими поты потрудившися и мучение неповинне приемше, отцы богомудрии, / преидосте на место упокоения, / идеже со Ангелы ликующе, молитесь Всещедраго Владыку / прияти и нам отраду, от врагов страждущим: / мы бо есмы чада ваша и овцы словесныя учений ваших.**

**Слава, и ныне, праздника или Богородичен:**

**Явися нам в час сей, Пречистая Дево, / и, приносимыя Тебе мольбы приемши, донеси Сыну Твоему, / Егже носила еси на руку матерню, / просящи нам грехов разрешения; / мы бо есмы раби Твой, / имущи Тя Скороую Предстательницу и Молитвенницу о душах наших.**

**По полиелеи седален, глас 8:**

**Вертоград заключенный Божия Матере / израсти нам два цветца неувядаемая, Феодора и Василия, доблिया мученики, / имиже иночеству ющие радости исполняются и чудная обитель облагоухаетя; / сих людие хвалами почитают, приемлюще от мощей их исцеление / и имуще их к Богу теплыя молитвенники.**

**Слава, и ныне, праздника или Богородичен:**

Тёплая Предстательнице сущим в скорбех и грешником Споручнице, Чистая Дево, / не презри слез и воздыхания нашего, / но преклонися на человеколюбную Твою благодсть / и спаси рабы Твоя от всех прилогов бесовских и обстояний.

**Степенна, 1-й антифён 4-го гласа. Прокимен, глас 4: Честна пред Господем / смерть преподобных Его. Стих: Что воздам Господеву о всех, яже воздаде ми? Всякое дыхание: Евангелие от Матфея, зачало 38.**

**По 50-м псалме стихира, глас 6: Трблаженнии отцы: (зри Славник на Господи, возвах:)**

**Канон преподобным, глас 2.**

**Песнь 1**

**Ирмос: Нетрену, необычну, / немокренно морскую шествовав стезю, / избранный вопияше Израиль: / Господеву поим, яко прославися.**

Нетрен хотяй постничества путь шествовати, / Феодор славный, евангельски мира сего суетий отресея и богатство раздав нищим, / един бисер, Христа, стяжа, Емуже и поет: / яко прославися.

Видя, блаженне, яко мир во зле лежит, / не восхотел еси на тление сего взирати, / тем вселился еси в пещеру, / многа лета пребыв, воздержанию прилежа и трудом, на Единого взирая Бога.

Завидя, враг вселукавый раскаянием разданных имений / вверже тя, преподобне, во отчаяние, на многи дни помрачая, / но ты исповеданием паки исправился еси / и посрамил еси хотящаго тя посрамити.

Яко совершен инок, совершенное нестяжание имый, / увещал еси Феодора, преподобне Василие, / не раскаеватися, яко преходит мира сего образ, / но на Небесная взирати, яко та пребывают во веки.

**Богородичен: От влекущаго мя к тлению руки исхити, Владычице, / к нетленным же взирати устрой / и направи живот наш, яко Скорая Помощница и исправление человеком.**



### Песнь 3

**Ирмос:** Лук сокруши́ся си́льных / держа́вою Твое́ю, Христе́, / и си́лою немощствую́щии препоя́сашася.

Лук сокруши́ся вели́ара, напряже́нный на тя, о́тче, / ты бо, прие́мь я́ко меч, глаго́лал еси́ Иису́совы моли́твы, пресе́кл еси́ того́; / и и́же пе́рвее недúговав, сребролю́бием омрача́емь, / последí, препоя́сався Божество́нною си́лою, был еси́ врагу́ в я́зву.

Услы́шал еси́, преподо́бне, я́ко погуби́ зláто и живóт, / раская́выйся иногда́ о разда́нной ми́лостыне, / пла́кал еси́ го́рько и, тем от сребролю́бнаго недúга избы́в, возопи́л еси: / прославля́ю, Бла́же, непостижи́мую Твою́ ми́лость.

А́ки единоутро́бнии, возлю́бльшеся с собо́ю, Васи́лие и Феодо́ре, / ненави́дящаго добра́ преуспе́янием в за́поведех Господ́них посра́мили есте́ вели́ара. / И менé ко преуспева́нию тех утверди́те, / да вку́пе прославля́ю с ва́ми непостижи́мую Бо́жию ми́лость.

Отше́дшу тебе́ на послуша́ние, преподо́бне Васи́лие, / обрёт враг вре́мя и преобрази́вся в твой о́браз, / вообрази́ Феодо́ру па́ки любле́ние разда́нных и́мений, / я́ко не помяну́ Иису́совы моли́твы в бесе́де неполéзней.

Мня́йся стоя́ти, да не паде́шися, всяк блюди́ся, / я́коже сбýтся на Феодо́ре блаже́ннем: / той бо, мня́йся прогна́вый супоста́та, прия́ его́ па́ки, / и бы́ли бы́ша ему́ последняя́ го́рша пе́рвых, / а́ще не бы от сих спасла́ его́ непостижи́мая Бо́жия бла́гость.

**Богородичен:** Нечу́ствен сый, возмни́хся в добродéтелех стоя́ти, неведýй, я́ко падо́хся, / но Ты, Ско́рая Помо́щнице, возведи́ мя, Чи́стая Де́во, / и научи́ мя усер́дно Бо́жия за́поведи твори́ти, / да прославля́ю Твою́, Ма́ти Бо́жия, несказáнную ми́лость.

### Седáлен, глас 8:

От злóбы нача́льника врага́ уязви́лся еси́, о́тче, / изли́шнее с тем бесе́довав о неполéзных, / не поми́ная сегó, я́ко тлят бесе́ды злы обы́чаи бла-

гья, / но сие все бысть Богом попускаемо, / да искушение твоё явится чистее злата и больший венец тебе исходатайствует, / егже и приём последи, молися Христу Богу и нам тогожде не лишитися, / чтущим любовию святую память твою.

### **Слава, и ныне, праздника или Богородичен:**

**Стрелы лукаваго, плотским раздужением\* напоенны, уязвиша мое сердце, / и лежу мертв, животá отчаявся, / пластырь цельбы Твоея приложи ми, Чистая Дêво, / яко Целëбница всего христианскаго рода.**

### **Песнь 4**

**Ирмос: Услышах, Господи, / славное Твое смотрение / и прославих, Человеколюбче, / непостижимую Твою силу.**

**Услышав всегубитель, яко в беседе не поминаеши Имене Господа Иисуса, Феодоре, / прият дерзость и советуе просити у Бога, / еже податися тебе множеству злата и сребра, / разданнаго ради твоего богатства, / ты же не помянул еси, яко хотящи богатитися впадают в напасть и в зло неисцелимо.**

**Вся бесом советуемая приемь, преподобне, / видел еси беса во сне, аки ангела во светлости велицей, / показующаго тебе в пещере сокровище, / еже, прокопав мало, обрет, в мале не погубил еси многоценнаго бисера, Христа, / Егже благодатию, падый, паки исправился еси.**

**Корень сребролюбия в тебе хотя прорастити в ветви, / диавол втайне наносимыми помышлениями и яве явлением во образе Василия / советуе со обретенным златом в чуждую страну бежати / и притяжати себе села на потребу, / да тако, удалився, преподобне, места сего святаго, / отпадещи и Божия благодати.**

**Животá продолжением и старости нашествием враг устрашая, / к любоимению привлекает тя, Феодоре, / хотя отъяти тебе память, да не поминаеши Рëкшаго: / не печьтесе о утрии, Бог бо печётся о вас.**

\* раздужением — разжжением



**Богородичен:** Отъят лукавый мне память, да не поминаю Рэкшаго: / не пецытесе душею вашею; / и тако в душегубную ведет мя страну, / да тамо, Божия благодати обнищав, скончаюся. / Но, Чистая Дѣво, не попусти ми в конечную сию пасти погибель.

### Песнь 5

**Ирмос:** Угль Исании проявлѣйся, / Сѳлнце из дѣвственныя утробы / возсия во тьме заблуждшим, / Богоразумия просвещеніе даруя.

Угль еще имей, блаженне, опалѣющий совесть твою студом, отвещал еси бѣсу: / обещахся zde в пещере живот мой скончати, / како убо ныне беглец буду? / Но zde поживу и вся сотворю повеленная тобою.

Паки супостат предлагает, / яко увѣдано будет обретенное сокровище, и претит отъятием онаго, / с нимже советует от мѣста сего бежати, / егѳже послушав совета, приуготовлялся еси к бежанію, / аще не быша удержали тя, Феодоре, преподобных отец молитвы, / паче же Самыя Богоматере десница.

Истиннаго послушателя и имений нестяжателя, / блаженнаго Васілія, отгнал еси, Феодоре, / яко обличавша тя, прелестію бесовскою ослепленна, / той же, отгоняемь, не пререкаше, паче же моляше Бога, / да тя избавит от сатанинских ловлений.

При многих свидѣтелях да оправдишися, Васіліе, / пришѣл еси с братіею ко прельщенному, того уверяя, / яко не с тобою, но с бѣсом, во образе твоѣм вчера и прежде того бывшим / и козни свой распростирающим, он бесѣдова.

**Богородичен:** Враг многокозненный, хотя мя запяти, / во многоличныя претворяется образы и действует в мысли моеѣ, / да удалюся Твоѳго, Мати Пречистая, покрѳва; / но Ты, Владычице, не попусти на мя таковаго искушения.

### Песнь 6

**Ирмос:** Глас глагол молебных / от болѣзненныя, Владыко, души услышав, / от лютых мя избави: / един бо еси нашего спасенія виновен.

**Г**лас глаго́лов Иису́совы моли́твы я́ко услы́ша льсти́вый, / не дерзну́ к тебѣ, Феодо́ре, присту́пти, / но, пораже́н, бѣгаше от твоея́ пещѣры, / ты же, о си́ле тоя́ моли́твы укрепи́вся, / и вся́кому, к тебѣ приходи́ющему, не отверза́л еси́ дверей, / до́ндеже испове́сть, я́ко Госпо́дь Иису́с Хри́сто́с на́шему спасе́нию ви́новен.

**О**т толи́каго ро́ва поги́бели изба́влен сый, Феодо́ре, / ископа́л еси́ ров глубо́к и поги́бельное сокро́вище в он вве́ргл еси́, / присы́пая и любоимѣ́ния па́мь, глаго́ля в себе́: / несть́ и́но. что́ тако́ и́ноком, я́ко любоимѣ́ние, душевредно́.

**М**но́гими труды́ томя́ себе́, Феодо́ре, / да не, пра́зден сый, впаде́ши в безстра́шие и ле́ность, / поста́вил еси́ же́рновы, / и, меля́ на бра́тию жи́то, во усте́х имѣ́л еси́ непреста́нно Иису́сову моли́тву, / и тако́ на невидимаго врага́ укрепи́лся еси́.

**Х**отя́ супоста́т устраши́ти тя, блаже́нне, / сотвори́ глас, а́ки гро́ма, и меля́ше в же́рновы, / но ты, разу́мев то́го де́йство, запре́тил еси́ то́му, / и бы́сть, а́ки плѣнник, повину́ясь и меля́, / до́ндеже пять́ возо́в изме́ле жи́та в но́щь еди́ну.

**Богородичен:** В ле́ности мя́ су́ща всегда́ враг пленя́ет / и поуча́ет мя на непотре́бная дела́, / но Ты, Мари́е, Ма́ти Бо́га моего́, проже́ни то́го, / мене́ же научи́ порабо́тити плоть ду́ху / и послужи́ти Бо́гу моему́ в преподо́бии и пра́вде.

### Конда́к, глас 2:

**Д**обр советник я́влься блаже́нному Феодо́ру, Богому́дре Васи́лие, / изба́вил еси́ то́го советом своим от прѣлести́ диа́воли / и ко свѣту богоразу́мья наста́вь. / С те́мже по́слежде блаже́нную прия́л еси́ кончи́ну, / устре́лен непра́ведно быв во утробу́ от сребролюбиваго кня́зя. / И ны́не, предсто́я Госпо́деви, / моли́ся непреста́нно о всех нас.

### И́кос:

**П**ремно́жеством добродѣ́телей ва́ших, преподо́бнии, / я́ко сад краси́ый, испо́лнь су́ще / и, я́ко от ра́я, процвели́ есте́ поще́нием и моли́твами, / всех благоуха́юще от воні́ мно́гих ва́ших трудо́в, и по́двигов, и по́тов преподо́бнических, / в ни́хже



преидо́сте благоиску́сно к безско́рбному живото́у /  
и венце́м побѣдным увязо́стеся; / моли́те непре-  
ста́нно о всех нас.

### Песнь 7

**Ирмо́с:** *Ветѣи яви́шася о́троцы любому́дрейшии  
дрѣвле, / от богоприятныя бо души́, богослѡвѣще  
устна́ми, пояху: / Пребоже́ственный отце́в и наш  
Бо́же, / благослове́н еси́.*

**Ветѣйствовати,** блаже́ннии отцы́, хотя́ще, / о  
мыслех открыва́ху друг дру́гу и рассужда́ху оба,  
а́ще богоуго́дны мысли их бы́ша. / Сих, бра́тие,  
подража́юще, / рассужде́нием бра́тним мысли сво́я  
искуша́йте, кѣя суть от Бо́га.

**По́двигом и трудо́м преподо́бнаго Феодо́ра рев-  
ну́юще, / не дади́м труда́ нашего́ ины́м, / но яко́же  
той сам на кѣллию сво́ю дрова́ ноша́ше, / тако́ и мы  
потруди́мся на нас, / а́ще хо́щем, да враг нам  
празднолю́бием не стужа́ет.**

**Ненави́дяще, бе́си блаже́нному па́коти творя́-  
ху, / ели́ко бо той со мно́гим трудо́м дрова́ на го́ру  
ноша́ше, / толи́ко оны́ па́ки с горы́ низверга́ху, / но,  
труд заде́юще ста́рцу, са́ми подъя́ша труды́ и  
томле́ние.**

**Вервь** треплетѣнна есть непреста́нная моли́тва  
от чи́ста се́рдца, / е́юже Феодо́р блаже́нный связа́  
зло́бныя ду́хи, / и бы́ша ему́, а́ки плѣнницы,  
повину́ющеся / и нося́ще дрова́ на созида́ние  
вѣтхаго монасты́ря, и́же сторе́ пре́жде.

**Мно́гими труды́ лука́вии ду́си томѣми и безче́-  
ствуеми, / вопия́ху на блаже́нных, хва́лящеся и  
глаголю́ще: / лю́тии нам супоста́ти, Феодо́р и  
Васи́лий, / с ними́же не преста́нем бра́тися, до́нде-  
же преда́дим я́ сме́рти, / не ве́дуще, я́ко сим  
честне́йшему венцу́ ви́новни бу́дут.**

**Богоро́дичен:** **Тобо́ю, Влады́чице, укрепля́ема  
ви́дяще мя, бе́сове скреже́щут зубы́ / и хва́лятся  
непреста́нно бра́тися со мно́ю, до́ндеже одоле́ют. /  
Но Ты, Засту́пнице моя, не преда́ждь мя в их ру́ки, /  
но изми́ мя от тех наве́тов.**

### Песнь 8

**Ирмо́с:** *О подо́бии злате небре́гше, треблаже́н-  
нии ю́ноши, / неизме́нный и живы́й Бо́жий о́браз  
ви́девше, / среди́ огня́ воспева́ху: / осу́ществован-*

ная да поёт Гóспода вся тварь / и превозно́сит во вся вѣки.

**П**одóбием всякаго злохитрства своего начáша бѣсове поощрѣти злѣя челове́ки, / да бѣ́ша погуби́ли тя, Феодоре, / тѣмже на́йтии изво́зницы со мно́гою укори́зною к суди́и оклеветáша тя, свѣ́те; / но ты, о сем не радя́, взыва́л еси́: / да поёт Гóспода вся тварь и превозно́сит Егó во вѣки.

**В** подóбии блаже́ннаго Васи́лия при́де бес па́ки к нѣко́ему боля́рину безчелове́чну, / оклеветáя Феодора за обрѣ́тенное сокрови́ще, / с нѣмже, рече́, хо́щет на ѳну́ страну́ бежа́ти; / злочестѣ́вый же он не ве́деше, / я́ко свѣ́тии еди́но сокрови́ще ѳмут, Христа́, / Егóже превозно́сят хвала́ми во вѣки.

**В** подóбии Васи́лия злочестѣ́вый боля́рин приве́де ко князю́ бѣса, / ѳже и то́му солга́ о сокрови́щи на тя, свѣ́те, / и сове́товаше, да ѳмут и мно́гими му́ками да истя́жут от тебе́ злато; / но ты, блаже́нне, ничто́же боя́ся, крѣ́пко воору́жился еси́ на супоста́та, / удали́вшася от Гóспода во вѣки.

**В**о у́трие князь, а́ки на лов или́ на нѣкогого во́ина крѣ́пкаго сам идѣ́й, / улови́ тя, блаже́нне, и, приве́д в дом, пѣ́рвое ласка́нии истя́зоваше сокрови́ща от тебе́, / е́муже отве́щал еси́, свѣ́те: / обрето́х сокрови́ще и ви́дех мно́жество сосу́дов златѣ́х, / я́же па́ки закопа́х, я́ко ми непо́лезно, / и моли́х Гóспода, да забúду оно́ во вѣки.

**Богорóдичен:** Закопа́х ввѣ́ренный мне тала́нт, я́ко раб лени́вый, / и ника́коже па́мятствую, я́ко ѳмам о приобрѣ́тении она́го отве́т да́ти моему́ Влады́це. / Тем молю́ Тя, Всечы́стая Пресвята́я Дѣво, / помози́ ми тала́нт сотвори́ти сугубѣ́й, / я́ко да обря́щу Гóспода моего́ ми́лостива во вѣки.

## Песнь 9

**Ирмо́с:** *Весь еси́ желáние, весь сла́дость, / Сло́ве Бóжий, Дѣвы Сы́не, / Бóже бого́в, Гóсподи, свѣ́тых Пресвяты́й, / тем Тя вси с Рóждшею велича́ем.*

**Ж**елáя разреше́тися от уз плотскѣ́х и со Хри́стом бѣ́гти, / свѣ́зан был еси́ от кня́зя непови́нне; / и, му́чим крѣ́пко, му́чащаго врага́ умучил еси́, Феодо́ре блаже́ннейший.



**От плóти твоея струями кровь течáше и обагри власяницу, / в ню́же, áки во многоцѣнную порфíру, одѣян, в Небѣсный Черто́г вшел еси́, / идѣже с Рóждшею Бóга в Трóице величáеши.**

**Повѣшен и дýмом удавляемь, / та́же огнѣм зело́ опалѣемь был еси́, блаженне, / но Бóжия десница сохрани́ тя цѣла, / я́ко ниже́ власянице твоей огонь прикосну́ся, / и, áки в прохладне́ мѣсте, во пла́мени сто́я, Христа́ с Рóждшею прославля́л еси́.**

**Прѣлести бесóвстей вѣровав князь, / дерзну́ яти тя, царствующаго над страстьми́, Васи́лие, / и по́слуха хотя́ имѣти на Феóдора, вопрошáше о сокровѣнном златѣ; / ты же несумнѣнно тогó и предсто́ящих обличил еси́, / я́ко бѣсом прельщенных.**

**Шу́мен сый от вина́, не стерпѣв обличѣния твоегó, / князь безумный стрелóю уязви́ тя от лúка; / ты же, блаженне, прорóчествовал еси́ ему́, глаго́ля, / я́ко и сам то́южде стрелóю я́звен бóдет, / и сбýтся глагол твой, блаженне, вскорѣ.**

**Богорóдичен: Возшумѣша вразí наши, Госпожé, и обидóша óкрест, / пуща́юще грехолóбныя на ны стрелы́. / Но Ты, Влады́чице, град сýщи твѣрд, стенá необорíма и щит крѣпкий, / защити́ и сохрани́ с Сы́ном Тя величáющих.**

### **Светíлен:**

**В темни́цу ввѣржени, отцы́ блаженнии, / по мно́гих мýках изведé дýши ва́ша Госпóдь от уз плотскíх / и введé во свет присносýщный исповѣдаться И́мени Егó свято́му, / идѣже со а́нгельскими ликосто́янии веселя́щися, / помяните и нас, лѣтнюю пáмять ва́шу почита́ющих.**

### **Сла́ва, и ны́не, прáздника и́ли Богорóдичен:**

**Уловлѣн сый грехолóбными сетью́ от супостáта / и в темни́цу со́вестнаго ослеплѣния ввѣржен, / не ви́жду со́лнца за́поведей Гóспода моего́, / но к Тебѣ, Чíстая, вошю́: / возсия́й ми пока́яния со́лнце и согрей лучáми блага́сти Твоей оледенѣвшее сѣрдце, / да сла́влю вѣну Твою́ ско́рую по́мощь.**

### На хвалітех стихіры, самогласны, глас 1:

**К**то по достойнію восхваліти возмо́жет труды и по́двиги ва́ша, / отцы́ досто́блаженни, / в телесных бо соста́вах а́ки безплотнии пожы́сте / и, к Бо́гу умы́ ва́ша вперывше, / на Небеса́ возлетёсте, / и, ны́не Престо́лу Вы́шняго предсто́яще, / приле́жно моли́тесь / умири́ти мир и спасти́ ду́ши на́ша.

**К**то не удиви́тся терпе́нию ва́шему, святы́и, / я́ко, непови́нне враго́м оклеветанни, / от сребролюбываго кня́зя мно́гая томле́ния подъя́сте, / и, до конца́ претерпе́вше, / борю́щагося с ва́ми невидимо победи́ли есте́, / и прия́сте вене́ц победны́я по́чести от ру́ки Господни, / от Нея́же и мы сию́ да воспри́йдем, моли́тесь.

**Б**лаже́нна земля́, напы́вшаяся кро́ви ва́шей, / до́блии испове́дницы Христо́вы, / блаже́нна пеще́ра, / храня́щая мо́щи ва́ша, / я́ко многоце́нное сокрови́ще, / не под спудо́м, но я́ве лежа́щая во гробе́, / в нёмже су́ще те́лом, / душа́ми предстоите́ со а́нгельскими ли́ки / и на землі прого́ните ду́хи лука́выя, / от нихже и нас сохрани́те / и моли́тесь Христу́ Бо́гу спасти́ся душа́м на́шим.

### Сла́ва, глас 3:

**П**рииді́те, восхва́лим, бра́тие, досто́блаженны́я отцы́ на́ша, / Васи́лия с Феодо́ром чу́дным, / сии́ бо, пе́рвее вся́каго пристра́стия отрэкше́ся / и в безстра́стие тща́щесе́ дости́гнути, / о жи́зни сей неради́ша, / и сме́рть изво́лиша ра́ди Го́спода своего́ подъя́ти от сребролюбываго кня́зя, / и, победи́телие я́вивше́ся, / ратника́ и супоста́та врага́ победи́ша, / и ны́не сла́вою и че́стию венча́ются от Вы́шняго Влады́ки, / Его́же и мо́лят непреста́нно / дарова́ти мир ми́рови и душа́м на́шим ве́лику ми́лость.

### И ны́не, пра́здника или́ Богоро́дичен:

**Н**аде́жду ми́ру, Благослове́нная Де́во, / не забу́ди нас, пою́щих Тя, / но моли́ся вы́ну за непотре́бныя рабы́ Своя́, / изба́витися нам от вся́ких бед и обстоя́ний.

**Славосло́вие ве́ликое. Ектений. И отпу́ст.**



## На Литургии служба обща преподобному чеником.

**Преподобному ченики Феодор и Василий Печерские** подвизались в XI в. в Ближних пещерах Киева. Святой Феодор роздал свое богатство нищим, удалился в монастырь и поселился в варяжской пещере, соседней с пещерами преподобного Феодосия. Много лет пробыл он тут в строгом воздержании. Когда враг посеял в нем скорбь о розданном имении, святой Василий утешал его: «Прошу тебя, брат Феодор, не теряй награды; если хочешь имения, возьми все, что есть у меня». Преподобный Феодор раскаялся и сердечно полюбил преподобного Василия, вместе с которым жил в келлии. Однажды преподобный Василий в течение трех месяцев нес послушание вне монастыря. Бес, приняв его облик, явился к преподобному Феодору и указал сокровища, когда-то сокрытые в пещере разбойниками. Инок хотел уже выйти из монастыря, чтобы купить имение и жить в миру. Но когда вернулся преподобный Василий, бесовский обман раскрылся. С тех пор преподобный Феодор стал внимательнее к себе. Чтобы в праздности не увлекаться помыслами, он поставил у себя жернов и по ночам перемалывал зерно. Так долгими и усердными подвигами он освободился от страсти сребролюбия.

До князя Мстислава Святополковича дошел слух, что Феодор нашел много сокровищ в пещере. Он вызвал к себе преподобного и велел указать место, где спрятаны ценности. Святой Феодор ответил князю, что и в самом деле он видел в пещере много золота и сосудов, но от соблазна он вместе с иноком Василием зарыл их, а Бог отнял у него память, где оно сокрыто. Не поверив святому, князь приказал замучить его до смерти. Святого Феодора избили так, что вся власяница его была смочена в крови, затем его повесили вниз головой, разложив под ним костер. В пьяном состоянии князь повелел истязать и святого Василия, а затем сам убил его стрелой. Умирая, преподобномученик Василий бросил стрелу к ногам князя Мстислава и предсказал, что скоро тот сам будет смертельно уязвлен ею. Пророчество исполнилось: 15 июля 1099 года на стене Владимирской крепости князь Мстислав во время междоусобной войны с Давидом Игоревичем был неожиданно сквозь отверстие доски поражен стрелой в грудь и в следующую ночь скончался. Узнав свою стрелу, князь сказал: «Умираю за преподобномучеников Василия и Феодора».

Вторая память святых совершается 28 сентября.



В  
ТОЙЖЕ  
ДЕНЬ

### Преподобнаго Феодора, князя Острожскаго, во иноцех Феодосия, Киево-Печерскаго чудотворца

#### НА ВЕЛИЦЕЙ ВЕЧЕРНИ

**Блажен муж: 1-й антифон. На Господи, воззвах: поставим стихов 8 и поем стихиры праздника Преображения 3 и преподобнаго 5, глас 1:**

**К**расуйся, чудотворная Лавро Киевская, / и о празднице преподобнаго тепле возвеселися, / отвързитеся, пещернии входи, / днесь бо духовную



трапéзу христиáном предлагаёт Феодор слáвный, / приéмля тех усёрдныя моли́твы / и о спасéнии своём ревновáти всех научáя, / Бóгу венчáвшу тогó пóдвиги / и нетлéнием мощéй егó véру нáшу утвержда́ющую.

**Темна́ пещера и тэсен вход, / но Божéственною любóвию святýх осветíся темнотá / и умно́жися вхождéние людéй безчíсленных, / желáнием бо влекúтся, / ёже грóбы чудотворцев целовáти, / в нíхже и преподóбный Феодор, / я́ко едина́ от звезд, сияет / и моли́тву возно́сит Христú Бóгу / о спасéнии душ нáших.**

**От брáнных пóдвиг к подвигóm духóвным / премени́ся блажен́ный Феодор, / навýкнув бо со вещéственным мечём / протíву врагóв церкóвных исходити, / меч духóвный пóдъём на врагí невидимыя, / сíлою Бóжиею крéпко сия́ побеждаше, / но и до днесь во́инствующим / протíву тех пóмощь с Небéс посыла́ет / и мо́лится Христú Бóгу / о спасéнии душ нáших.**

**Вся объём любóвию, Феодор слáвный / не терпя́ше вíдети мýчимыя от иновёрных Россíйския лю́ди / и, ору́жие приём, / я́ко победíteль стра́шен, врагóm противостоя́ше, / но, дéло своё совершив, / двор кня́жий оставя́ет áбие / и пещёрное затворéние в лúчий чертóг себе́ вменяет; / потщímся úбо, о брáтие, / тогó подражáти исправлéния / и в моли́тву преподóбнаго приводíти / о спасéнии душ нáших.**

#### **Сла́ва, глас 4:**

**Горá Печёрская, мóщи святýх покрывáющи, / во́истинну честна́ и святá есть, / занé, телеса́ преподóбных содержа́щи, / áки рай Бóжий вёрным явля́ется; / сия́ úбо помышля́яй Феодор слáвный, / и земно́е богáтство, и честь кня́жения в умéты вмени́в, / посреде́ святýх вселя́ется, / и ча́сти их от Христа́ сподобля́ется, / и мо́лится прíсно / о спасéнии душ нáших.**

**И ны́не, прáздника, глас то́йже: Горá, я́же иногда́: (зри на Го́споди, воззва́х: в 6-й день).**

**Вход. Прокíмен дне. И чтéния 3 преподóбническая (зри страницы 113—115).**



## На литіи стихиры праздника, глас 2.

### Слава, глас тойже:

**К**іими похвѣльными венцы / увязѣм блаженнаго Феодора? / Той бо венец княженія волею отлагает, / той бо имению непричастен является, / зане, врагъ Цѣркве отмщая, / своимъ врагомъ прощѣние даровати навѣче / и прѣжде власовъ постриженія смиренномудриемъ удивляше люди, / потомъ же во иночестемъ образѣ радоваше Ангелы и прослави Христа, / того молитвами дарующаго намъ великую милость.

**И ныне, праздника, глас 5:** Приидіте, взыдем на гору Господню:

### Стихиры на стиховне, глас 5:

**Р**адуйся, благочестія правило, / Феодоре, Волынская похвало, / Православныя веры защитителю / и злодеемъ победоносный отмстителю; / радуйся, народа чешскаго заступниче / и латинскихъ ухищреній обличителю, / о насъ молися непрестанно Христу Богу, / даровати земли Россійстей мир / и спасеніе душамъ нашимъ.

**Стих:** Блаженъ мужъ, бойся Господа, / в заповедехъ Его восхощетъ зело.

**Р**адуйся, евангельскаго глагола исполнителю, / Феодоре, земли нашея предъ Господемъ заступниче; / радуйся, пещернаго затворенія не убоявшийся, / но ликъ святыхъ Печерскихъ собою умноживый, / от деянія восшедый къ виденію / и на Небеса духомъ преселившийся. / Той части и насъ сподоби, Феодоре, / предъ твоими мощами молящихся / верою и любовію.

**Стих:** Сильно на земли будетъ семя его, / родъ правыхъ благословится.

**Р**адуйся, преподобне Феодоре, / вся земная Христа ради презреый, / за озлобленныя же люди возносивый молитвы, / и насъ твоимъ мощнымъ предстательствомъ просвети, / во еже за веру безстрашно стояти / и о душахъ своихъ попеченіе прилагати, / воспевающимъ твои дивныя подвиги / и венчавшаго тя Христа прославляющимъ.

### Слава, глас 8:

Монахов множества / наставника тя почитаем,  
отче наш Феодоре, / твоёю бо стезёю войстинну  
право ходити познахом; / блажен еси, Христу  
работав, / и вражию обличил еси силу, / Ангелов  
собеседниче, преподобных сопричастниче и пра-  
ведных, / с нимиже молися Господеву / помилова-  
тися душам нашим.

**И ныне, праздника, глас 4: На горе высоте:**  
(*зри страницу 157*).

**На благословении хлебов тропарь святого два-  
жды и праздника единожды.**

### Тропарь святого, глас 7.

**Подобен: Преобразился еси:**

**П**реобразил еси земного княжения славу / во  
иночества образ смиренный, / и вместо врагов  
видимых / на невидимыя ополчился еси, / и, обою  
победитель красен являясь, / один от чудотворец  
Печерских показался еси; / темже и нам ревности  
Божия дар испроси, / братолюбием сердца наша  
просвети / и ко спасению вечному стези наша,  
Феодоре блаженне, направи.

### Ин тропарь, глас 4:

**К**няжеских дароношений и всего суетствия  
мирского спешне отвергся, / Божиих же даро-  
ваний, премудре Феодоре, преискренне сподоби-  
тися желая, / приял еси иноческий образ / и, в нем  
смирённым послушанием и безмолвным житием  
Царю Небесному благоугождая, / получил еси от  
Него безсмертныя дары, / ихже и нам, чтущим тя, /  
получити молися.

### Ин тропарь, глас тойже:

**Я**ко благочестиваго корене пречестная отрасль  
был еси, / блаженне Феодоре, / яви бо тя  
Христос / яко войстинну богодарованное сокрови-  
ще Вольнстей земли, / новаго поборника веры  
Православныя, / и народу российскому преславна  
и благоприятна. / Темже ныне, плоды светоносных  
трудов твоих / в стране нашей под сению Святыя  
Церкве Православныя наслаждающесе, / хвалим



Господа, / даровавшего тебе силу и крепость на сопротивных, / Егоче моли спасти отечество твоё, / и державе сродник твоих богоугодней быти, / и сыновом российским спастися.

#### НА УТРЕНИ

**На Бог Господь: тропарь праздника дважды. Слава, преподобному. И ныне, праздника.**

#### По 1-й стихологии седален, глас 4.

Подобен: Удивися Иосиф:

Пещерное затворение возлюбил еси в житий твоём, преподобне, / и во гробе малем вселился еси днесь, отче Феодоре, / но сердце твоё всю Российскую землю вмещает нетесно / и уже не земным оружием, но молитвою верных люди ограждает, / честныя подвиги твоя воспевающая.

**Слава, и ныне, праздника: Человеческое изменение:**

#### По 2-й стихологии седален, глас тойже.

Подобен: Явился еси днесь:

Праздник настá преподобнаго Феодора, / притецѣте ўбо, людие, к того заступлению, / емуже отцы наша навькоша древле, / понеже непрестающая Христова любовь / и ныне блаженнаго на предстательство о нас воздвизает.

**Слава, и ныне, праздника: На горé Фаворстей:**

#### По полиелѣи седален, глас 8.

Подобен: Повеленное тайно:

Полки чуждих побеждаше Феодор славный, / яко Российскаго воинства непобедимый вождь, / но своему супостату абие прощение дарова; / научимся ўбо, о братие, таковому образу евангельскаго жития последовати неложно / и к тому блаженнаго в помощь нам призывати усердно.

**Слава, и ныне, праздника: Сокровенную молнию:**

**Таже степенна, 1-й антифон 4-го гласа. Прокимен, глас 4: Честна пред Господем / смерть преподобных Егоч. Стих: Что воздам Господеву о всех, яже воздаде ми? Евангелие от Матфея, зачало 43.**

## По 50-м псалмѣ стихіра, глас 6:

**Преподобне отче,** / во всю зѣмлю изыде вещание исправлений твоих, / темже на Небесех обрел еси мзду трудов твоих, / демонская разорил еси полчища / и ангельския достигл еси чины, / ихже житию непорочно поревновал еси. / Дерзновение имея ко Христу Богу, / мир испроси душам нашим.

**Канон праздника первый, глас 4, на 6. Также преподобнаго на 8, глас 8, егоже краегранесие без Богородичнов: Феодору Острожскому молюся.**

### Песнь 1

**Ирмос:** *Посеченный несекомаго пресече,* / и виде солнце зѣмлю, юже не виде; / лютаго врага вода потопи, / и непроходимое пройде Израиль. / Песнь же воспевашеся: / Господеви поим, славно бо прославися.

**Феодора блаженнаго прославим,** братие, князя же и воина, / не своея славы искавшаго, но с еретики за русскую зѣмлю правшагося, / последи же во ангельстем образе земная вся оставившаго / и демоны поправшаго крепко.

**Един от чудотворец Печерских явился еси,** Феодоре блаженне, / но и Волынская земля о памяти твоей веселится, / от всех же концов земли вернии ко предстательству твоему притекают, / всем убо буди слышатель благий и покаянию учитель.

**Онаго блаженнаго живота,** егоже сподобился еси, Феодоре преподобне, / и нас наследники сотвори твоими молитвами, / аще и погрешающих много, но многострастное житие свое осуждающих / и твоим мощем верою поклоняющихся.

**Богородичен:** *На Тя, Дево, надежду положих спасения моего,* / греховныя скверны всего мя омий и чиста содейай Сыну Твоему, / изрядно благоугождающа и творяща Сего всесвятую волю.

**Катавасия:** *Лицы израильтестии:*

### Песнь 3

**Ирмос:** *Утвердися сердце мое во Господе,* / вознесся рог мой в Бозе моем, / разширишася на



*враги́ моя уста́ моя, / возвесели́хся о спасе́нии Твоём.*

**Даждь** ми, преподо́бне о́тче, от даро́в Божественныя благодати, / ихже обильно причасти́лся еси́, неуста́нную о спасе́нии ре́вность, / от Го́спода мне си́ю испроси́в / и твои́м благослове́нием запечатле́в невидимо.

**О,** ка́ко восхотёл бых аз не то́чию усты́ твоё жити́е прославля́ти, блаже́нне, / но и подража́тель то́го яви́тися, / о сем у́бо сотвори́ моли́тву Христу́ Бо́гу, / презира́я мой лю́тая прегреше́ния и пока́янию моему́ внима́я.

**Ра́зум** всесовершенство́ показáл еси́, о́тче преподо́бне, / егда́ за зло добро́м супоста́ту твоёму́ возда́л еси́ / и я́ко друг благо́й врагу́ твоёму́ яви́лся еси́. / Аз же бесо́м друг страстьми́ свои́ми бых, увы́ мне; / но твои́ми моли́твами па́ки победи́теля тех яви́ мене́, блаже́нне Феодоре.

**Богородичен:** Ра́дуйся, Я́же еди́на ра́дость неказанно ро́ждши; / ра́дуйся, колесни́це и обла́че Сло́ва; / ра́дуйся, Ма́ти Бо́жия, Де́во Неискусобра́чная; / ра́дуйся, преподо́бных сла́во; / ра́дуйся, мучеников венча́ние.

**Конда́к и йкос праздника.**

**Седáлен преподо́бнаго, глас 4.**

**Подобен:** Удиви́ся Иосиф:

**Непристу́пную сла́ву** Пресвяты́я Трои́цы созерца́ет днесъ преподо́бный Феодор, / мы же земных помышлени́й не оставля́ем, увы́ нам, / но, то́го исправлени́я воспомина́юще, па́ки к Небесным душо́ю восхища́еми, глаго́лем: / о́тче преподо́бне, моли́тву сотвори́ Христу́ Бо́гу, / е́же спасти́ и просвети́ти ду́ши на́ша.

**Песнь 4**

**Ирмо́с:** Проро́к Авваку́м умны́ма очы́ма / провиде, Го́споди, пришест́вие Твоё, / тем и вопия́ше: / от ю́га приидет Бог. / Сла́ва си́ле Твоёй, сла́ва снизхожде́нию Твоёму́.

**Украси́ся** княже́ние твоё, о́тче преподо́бне, / не то́чию свои́х ти по ве́ре от враго́в защище́нием, / но и че́скаго наро́да проти́ву лати́н заступлени́-

ем, / вся бо в любовь Христо́ву, яко Па́вел о́ный, призвати вожделел еси́.

**Остро́г град,** ма́лую часть твои́х нетле́нных моще́й прияти сподо́бивыйся, / а́ки насле́дие княже́ния твоего́, / о сем свѣтло возра́довася и твои́ми добродѣтельми хва́лится, / та́кожде свята́я Ла́вра Кие́вская, твоѣ нетле́нное тѣло показу́ющи ве́рным, / засту́пника тя своего́ имену́ет / и на моли́твы твоѣ упова́ет те́пле.

**Святы́й Феодо́р ны́не от Небе́с на зѣмлю Росси́йскую призира́ет / и на брань духо́вную нас, бра́тие, воздвиза́ет: / потщѣмся у́бо грехо́вную оттрясти́ ле́ность, и сердца́ на́ша горе́ воздвигнути, / и желáнием ве́чныя жи́зни исполнити.**

**Богоро́дичен:** **В** жена́х еди́на Де́ва пребыла́ еси́ и пре́жде рожде́ства, и по рожде́стве: / Бог бо бе, обновля́я естества́ па́че сло́ва, из Тебе́ неизрече́нно воплоща́емь, / Иже горе́ пре́жде век и на земли́ в послѣдняя́ лѣта рож́дся, Пренепоро́чная.

## Песнь 5

**Ирмо́с:** **М**рак души́ моея́ разжени́, Светода́вче Христе́ Бо́же, / началоро́дную тьму изгна́в бездны, / и да́руй ми свет повеле́ний Твои́х, Сло́ве, / да, у́тренюя, сла́влю Тя.

**Тре́бующим твоего́ на враги́ заступле́ния, / ца́рем же и лю́дем, был еси́, Феодо́ре, неуста́нный помо́щник, / зане́ по глаго́лу Господню́ за дру́ги ду́шу свою́ положи́ти гото́в был еси́, / те́мже и нас не отря́ни, блаже́нне, / твоего́ заступле́ния на демо́ны прося́щих.**

**Ра́дуйся, Влади́мире равноапосто́льне, твоего́ пра́внука зря, / ра́йскою сла́вою украше́на на Небеси́, и на земли́ от христиа́н ублажа́ема, / и на враги́ сим моли́твою свое́ю спобо́рствующа.**

**Облак искуше́ний, на росси́йския лю́ди от безбо́жник нашедши́й, / твои́ми моли́твами разжени́, Феодо́ре премудре, / зане́, умно́жившимся собла́зном, крѣпость на́ша оскуде́. / Не оста́ви у́бо зѣмлю твою́ от враго́в Христо́вых противора́стлѣтися, / но ве́ру несомне́нную и упова́ние от Бо́га низпосли́ душáм на́шим.**



**Богорѡдичен:** Дѣво Мати Отроковице, Непостижимаго плѡтию рѡждши, / Ангелов славо и демонов ѧзво, Богоневѣсто, / моѣ сѣрдце, уязвенное грехми, исцелѣния Божѣственногого сподѡби.

### Песнь 6

**Ирмос:** Рѣзу мне подаждь свѣтлу, / одеѣйся свѣтом, ѧко рѣзую, / Многомѡлостиве Христѣ Бѡже наш.

**Ж**итиѣ моѣ страстьми умертвѣся, / молѣтва лѣностию мно́гою оскудѣ, братолѡбием украсѣтся не попекѡхся; / ѧже миру умертвѣвыйся и в молѣтве до смѣрти пребѣвый, / братолѡбия рачѣтелю, ѡтче преподѡбне, помози ми во гресѣх погибаѡщему.

**С**амаго себѣ плачу, окаянный, и земли нашея растлѣния, / но, твоѣ предстательство призывая, ѡтче преподѡбне, / паки к духовному дѣланию воздвизаюся и глаголю: / заступи твою зѣмлю, угѡднице Бѡжий, / и о спасѣнии моѣм сотвори молѣтву.

**К**то от вѣрных не удивѣтся преподѡбнаго Феѡдора рѣвности духовней: / той бо на княжѣнии вѣры бысть подвижник / и в подвизе пещѣрном князь над страстьми вскорѣ показася, / по преставлѣнии же своѣм Ангелов купножитѣль.

**Богорѡдичен:** Ума моего извращѣния / и души двиза́ния страстная и лю́тая, Дѣво, исправи / и цѣла мя соблюди от всегда немѡлостивно находящих ми.

### Кондак, глас 4:

**К**расоты рѣзныя возгнушавшагося / и богатства тлѣннаго со благодарѣнием отвѣргшагося, / в рѣзу же безстрастѣя облѣкшагося / и богатому в щедрѡтах Христу возслѣдовавшаго, / приидѣте, вѣрнии, восхвалим Феѡдора достославна, / ѧко молящася непрестанно / о душах наших.

### Ўкос:

**В**осхвалим, братие, Феѡдора блаженнаго, / той бо от юности себѣ не пощади, / в походѣх противу врагов вѣры нашея плоть изнуряя и живѡт свой за други полагаая, / и, ѧко Давид Соломону, своему

сынови о построении храмов Божиих завет предав, / монашеское житие изболел есть, / аки раб братии угождаяй и себе самаго смиряяй, / того убо воспойм, братие, яко Богу и ближним поработившагося, / враги же видимыя и невидимыя смириваго / и молящагося непрестанно о душах наших.

### Песнь 7

**Ирмос:** На поле Деире / иногда мучитель пещь постави на мучение Богоносных, / в нейже три отроки песнословяху Единого Бога, / троично воспеваху, глаголюще: / отцев Боже, благословен еси.

Острог град твой подвиги, отче преподобне, проповедует, / хранит же обитель Дерманская тех память, / воспевает и Печерская Лавра терпение твое и веру, / людие же российстии и народ чешский в твоём заступлении общение любви своей утверждают.

Молимся тебе, Феодоре блаженне, / да, якоже крепость стояния твоего чадом твоим по плоти дал еси / и сих до четвертаго рода адаманты Православныя веры явил еси / и противу врагов тоя борцы неодолимы, / такожде и нас, твой же по духу чада, / подражатели мужества твоего предстательством твоим соделаи.

Ум мой изнемогает, от страстей противоборствуемь, / и дерзость врагов Христовых страхом колеблет мою душу, / сию убо укрепи, отче преподобне, / и Божественною просвети ревностию и о временных небрежением.

**Богородичен:** Разумевше издалеча честнии пророцы таинства Твоего неизреченную глубину, / многообразно всем уясниша Твое рождество, Дево, взывающе: / благословен еси, Боже отец наших.

### Песнь 8

**Ирмос:** Покрываяй водами превыспренняя Своя, / полагаяй морю предел песок / и содержай вся, / Ты поет солнце, Ты славит луна, / Тебе приносит песнь вся тварь, / яко Содетелю всех во веки.



**Моё** неразумие твоёю молитвою исцели, отче преподобне, / помыслы покаяния просвещая мою душу / и враги прощати образом жития твоего научая, / и к подвигу возведи воздержания.

**О**гнь любви Божия, предивный Феодоре, в своём сердце возжэг, / единоплеменные чешские люди противу латинян защитил еси: / тем и ныне буди противу ереси защититель, отче преподобне, / иже Православную веру от языка их любовью восприяша.

**Л**юдям безчисленным от многих язык, во святую Лавру приходящим, / и на всяком месте помощь твою призывающим / скорый слышатель и добрый спасения наставник, преблаженне Феодоре, явился еси, / всех ко Христу невидимым посещением твоим призывая.

**Богородичен:** Умерщвленную угрызением зминым душу мою, / едина Источник жизни рождающая, Всенепорочная, оживи / и твори сподоби нас ради из Тебе, Дево, Родшагося хотение, вопиюще: / священницы, благословите, людие, превозносите во вся веки.

## Песнь 9

**Ирмос:** **Б**лагословен Господь, Бог Израилев, / воздвигнувший рог спасения нам / в дому Давидове, отрока Своего, / в нихже посетит нас Восток с высоты / и направил ны есть на путь мира.

**Ю**жский предел земли Российския твоих подвигов прославлению навъче, Феодоре блаженне, / сей убо в Православии утверди, противу нечестивых ереси укрепь, / но и о всем мире молитвенник неустанный пребуде.

**С**е время твоего заступления прииде, отче преподобне: / видиши бо землю нашу от нечестивых учений обуреваему, / зриши бо оскудение любви нашей, от Христа предреченное, / и душ человеческих расслабление, и о правде Божией нерадение. / Помилуй убо, помилуй нас твоим заступлением.

**Я**звы душ наших, от враг невидимых наложенныя, исцели, Феодоре блаженне, / и от бед и обстояний молитвами твоими огради нас, / и радо-

сти вѣчныя нас сподоби, / аще и недостойных, но твоему предстательству верующих тепле.

**Богородичен:** Глас Ти провозглашаем Гавриілов: / радуйся, землѣ избранная; / радуйся, трапѣзо златовидная; / радуйся, человекѡв прибежище; / радуйся, мучеников похвало; / радуйся, Ангелѡв радование, Святаѧ Богородице, / державо вероучистою блажащих Тя.

### Светілен:

Да восхвалится преподобный Феодор от всех верных языков, / яко веры святыя быв ратоборник, напастуемых защититель, / врагом за зло добрым воздаятель, / княжий венец на иноческую власяницу пременитель, / поста и молитвы благий образ явивый / и о душах наших молитвенник теплейший.

**Слава, и ныне, праздника:** Свете неизменный:

На хвалитех поставим стихов 6 и поем подобны праздника 3, глас 2, и преподобному 4, глас 8:

Преподобен и честен светильник / благодарованный и светоносный явился еси на земли, / Богоносне отче Феодоре, / от рода бо изшед присночестнаго, / яко плодovitая розга от корене славнодержавнаго Владимира, / воистинну плоды веры Божественныя и светносныя принесл еси / и теми Господеву угодил еси; / и ныне, в Небесных живый, / молися Христу даровати стаду твоему / мир и велию милость.

Богоблаженне отче Феодоре, / воистинну дар Божий и даение, / еже от Отца светов, / во странах отечества твоего явился еси: / о тебе бо свыше являемую Божию силу познахом / и заступление Небесное, / имиже от врагов единоверныя люди твоя спасл еси, уразумехом, / и ныне, в Небесных живый, / молися Христу Богу даровати стране нашей / мир и велию милость.

Богомудре блаженне Феодоре, / ты, по имени твоему и житие твое хотя стяжати, / тленные дары мира сего презрел еси, / и, славу княжества твоего презрев, / самого себе в дар Богу принесл еси, / и во убогий иноческий образ облелся еси, / обнищавшему нас ради Христу последуя; / и ныне, в



Небѣсныхъ живѣй, / молися Подателю всехъ благихъ / даровати молитвенникомъ твоимъ / миръ и велию милость.

### Слава, глас тойже:

Приидите, Россійстии собори, / соберитесь, вѣрныхъ лица, / светло составльше псаломскую песнь, / Божественному сему и Богоносному Феодору глаголюще: / радуйся, Божиихъ дарований сокровище пребогатое; / радуйся, христиан православныхъ рогъ богоносный; / радуйся, добродетели и благочестия христианскаго всеизрядная похвало; / радуйся, благій предстателю и молитвенниче о душахъ нашихъ.

### И ныне, праздника. Славословіе великое. И отпуст.

#### НА ЛИТУРГИИ

Блаженны праздника и святого. И прочая служба преподобническая.

**зри** Аще будещи пѣти службу преподобному Феодору во инъ день, егда несть попразднства, ставь на Господи, возвахъ: стихиръ его 8, и по сихъ на И ныне: воспевай Богородиченъ гласа, иже глаголется Догматикъ. Такожде и по прочихъ стихирахъ и седальнахъ и светильне на Слава, и ныне: ставь Богородичны воскресны по гласу ихъ изъ Октоиха. На литии же глаголи стихирѣ храма. В концѣ вечерни, аще есть бденіе, глаголи тропарь святому дважды, и Богородице Дѣво, радуйся: На утрени же, по Богъ Господь: такожде тропарь святому дважды, Слава, и ныне, Богородиченъ: Яко нашего воскресенія сокровище: **Вместо же канона Преображенію ставь канонъ Богородицы: Воду прошѣдъ: На хвалитехъ стихирѣ святому воспевай на 4, таже Слава: святому. И ныне: Владычице, прими молитвы рабъ твоихъ:**

#### Молитва

Воинствование земное на духовную брань предложивый и о людехъ своихъ доброе попеченіе показавый, блаженне Феодоре преподобне! Къ тебѣ в смятеніи сердецъ нашихъ днесь прибегаемъ и твоей помощи странѣ нашей и душамъ нашимъ смиренно просити дерзаемъ. Вѣмы, угодниче Божій, яко малодушіе наше и леность духовная далече отъ твоея пажити ны отрѣваетъ и всякаго омерзѣнія

достойны ны соделоваает, но милосердие твое ко врагом и предателем твоим поминающе, имже паки защитник явился еси, равнаго милосердия твоего и нам, недостойным, молим. Ты убо, угодниче Христов, от агарян разоренную землю нашу и от иновѣрных подавляему жалостию и любовию объемя, паки к бодренному житию верныя призвал еси, елико воинскими победами, толико и молитвою и образом жития своего, аки свещник златый, блистаяся. Ты, мирскаго жития суету оставль, сам убо о души своей попечению в пещернем уединении предался еси, земли же нашея попечение и исцеление славному роду твоему заповедал еси, и тако предел свой еще на двесте лет и вѣщше по кончине твоей от сетей еретических оградил еси. Ты и далече сущее единокровное нам племя чешское ко Православней вере приближати тѣчался еси и от латинскаго нашествия ограждал еси. Ты и ныне, на Небесех душею со Ангелы водворяяся, нетленным же телом посреде нас почиваяй, наша не отрини гласы скорбныя, но молитвенный плач согрешающих сынов земли нашея услыши. Согрешихом бо и неправдовахом и от завет Божиих отступихом, в развращенныя обычаи зле впадохом, и еже едино на потребу есть, душ наших спасение, в небрежении оставихом, тебе в Бозе правда и слава, отче преподобне, нам же стыдение лица. Обаче елико грешнейшии явяхомся, толико вѣщшаго сострадания твоего требуем и в покаянии зовем ти сице: твоей неистоцимыя любве луч нам низпосли, гнев Божий, праведно на ны движимый, молитвою твоею от нас отведи, спасительную благодать Его к нам, недостойным, предстательством твоим низведи и от греховныя бездны к высотѣ покаяния нас возведи, да тако и мы житие свое исправити потщимся, крепость земли нашея паки обновляти начнем, врагов же веры Христовы и злых прелестников безбоязненно отражати словом и житием возревнуем и Спасителя нашего со всеми святыми благодарно воспевати будем, славяще Его со Отцем и Святым Духом, во веки веков.

**Аминь.**



## И́на моли́тва

**О** преподо́бне о́тче Феодо́ре, земли́ Во́лыньскія похвало́ и прибе́жище, святы́я же Ла́вры Пече́рскія сла́во и украше́ние! При́зри на предстоя́щія лю́ди, твоея́ по́мощи с ве́рою прося́щія и согреше́ния сво́я тебе́ испове́дающія, приими́ тех усер́дныя моли́твы и от вся́кыя скор́би и ну́жды предста́тельством твои́м изба́ви. Помози́ нам, уго́днице Бо́жий, в ми́ре и пока́янии жити́е на́ше зде проводи́ти, во благопо́лучии памятовáние о за́поведех Бо́жих всеме́рно храни́ти, в беда́х же от ро́пота и уны́ния огражда́тися, о́баче и по́мыслом лу́чшим сердца́ на́ша испо́лни, да твоего́ благоутро́бия и я́же о ве́ре ре́вности подража́тели б́ывше, о́ных сподо́бимся ве́чных благ, и́миже днесь украша́ясь, моли́твы о спасе́нии на́шем возно́сиши ко Го́споду, Ему́же сла́ва подобáет, Отцу́ и Сы́ну и Свято́му Ду́ху, ны́не, и прісно, и во ве́ки веко́в. **Ами́нь.**

**Преподобный Феодор, князь Острожский**, стяжал славу устроением храмов и защитой Православия на Волыни от насилий папизма. Он происходил от рода святого равноапостольного князя Владимира (память 15 июля) через правнука Святополка Михаила, князя Туровского (1080—1093), великого князя Киевского (†1113). Первый раз имя преподобного князя Феодора упоминается под 1386 годом, когда польский король Ягелло и Литовский князь Витовт утвердили за ним наследственное владение — Острожский округ и увеличили Заславским и Корецким округами. В 1410 году преподобный князь Феодор участвовал в разгроме рыцарей католического ордена под Грюнвальдом. В 1422 году святой князь из-за сочувствия православным в Чехии поддержал гуситов в борьбе с германским императором Сигизмундом. (В русское военное искусство введен был святым князем особый прием — гуситский строй, т. е. таборы, усвоенный украинским казачеством.) В 1432 году, одержав ряд побед над польскими войсками, святой Феодор вынудил князя Ягелло оградить законом свободу Православия на Волыни. Князь Свидригайло,

опасавшийся усиления своего союзника, в 1435 году заключил преподобного Феодора в темницу, но народ, любивший святого, поднял мятеж, и он был освобожден. Преподобный Феодор примирился с обидчиком и явился ему на помощь в борьбе с литовско-польской партией. В 1438 году святой князь участвовал в битве с татарами; в 1440 году по вступлении на польский престол Казимира, младшего сына князя Ягелло, святой Феодор получил на правах наместничества городá Владимир, Дубно, Острог и стал обладателем обширнейших имений в лучших областях Подолии и Волыни. Все это вместе с княжеской силой и славой преподобный Феодор оставил, поступив после 1441 года в Киево-Печерскую обитель, где приняв монашество с именем Феодосий, подвизался для спасения своей души до самого преставления к Богу. Год преставления преподобного Феодора неизвестен, но не подлежит сомнению, что он скончался во второй половине XV века в глубокой старости (С. М. Соловьев в «Истории России» считал годом его кончины 1483). Погребен преподобный в Дальних пещерах преподобного Феодосия (па-



мять Собора преподобных отцов Дальних пещер 28 августа). Прославление, очевидно, было в конце XVI века, так как в 1638 году иеро-

монах Афанасий Кальнофийский свидетельствовал, что «преподобный Феодор открыто почивает в Феодосиевой пещере в целом теле».



**В  
ТОЙЖЕ  
ДЕНЬ**

## Святителя Нифонта, Патриарха Константинопольскаго

### ВЕЧЕР

**На Господи, возвах: стихиры, глас 2:**

**Е**гда уязвился еси желанием сугубаго постничества, / Нифонте преподобне, / тогда, яко елень жаждущий, / притекл еси на святую Гору Афонскую / и, обтек тоя священная места, / обитати возжелел еси / в честней обители Предтечи, / с нимже молися о чтущих святую память твою.

**Е**гда осиян был еси в молитве светом благодати, / столп явился еси световиднейший, / озаряя Афон и досязая Небесы: / светлостью бо дел и словес твоих / монашествующия Горы наставлял еси / на ведущее к Небесы безстрастие / и совершенство деяния и зрения, / еже улучити и нам молися, / чтущим святую память твою.

**Е**гда изволением Божиим / на вселенский престол возведен был еси, / Нифонте славне, / якоже солнце, просвещал еси верныя, / согревая сердца их Божественным учением, / и был еси пастырь Церкви истинный, / пасый люди на пажити спасительней. / И нам проси спасения, / чтущим святую память твою.

### Слава, глас 1:

**В**еселися, святоименный Афоне, / в памяти Богоноснаго Нифонта, / сей бо, яко насаждение благодатное, / неувядаемое и присноживо, / процвете на холмах святя Горы / и благоухания исполни насельники ея, / израстив Духом Святым животворное всеплодие. / Темже, песньми воспевающе преподобнаго, / возопиим Христу, того прославль-



шему:/ моли́твами Твоего́ уго́дника / благоуго́дны  
Тебе́ яви́ ны, / я́ко Благ и Человеколю́бец.

**И ны́не, пра́здника и́ли Богоро́дичен.**

**На стихо́вне, Сла́ва, глас 4:**

Во святы́телех преподо́бнаго и в преподо́бных  
святы́теля, / мона́шествующих ли́цы, святы́тель-  
скими вку́пе и преподо́бническими / похва́лы увен-  
ча́им Ни́фонта треблаже́ннаго, / сей бо, по́стниче-  
ством во Афóне предочи́стився / и приятели́ще  
быв Свята́го Ду́ха, / па́стырь последи́ показáся  
Фессалони́к и Влахи́и / и Вселе́нский Патриа́рх  
Константи́ня гра́да, / жити́ем же и сло́вом настав-  
ля́я пасо́мыя, / мно́ги спасе́ны приведе́ ко Го́спо-  
ду, / пода́ющему мир и ве́лику ми́лость.

**Тропа́рь, глас 3:**

**Д**éлы проси́ял еси́ благоче́стия, / высокотво́р-  
ным смире́нием украша́емь, / Афóна похва́ло,  
патриа́рхов удобре́ние, / Ни́фонте сла́вне, / моли́ся  
о нас, любóвию сла́влящих тя.

**Сла́ва, и ны́не, Богоро́дичен.**

**НА УТРЕНИ**

**По 1-й стихоло́гии седа́лен, глас 1:**

Подража́тель был еси́, Ни́фонте, Анто́ния и  
Па́вла, / Ефре́ма, Евфи́мия, Са́ввы и про́чих сла́в-  
ных по́стников, / бо́дренно прошéдших путь кре-  
ста́, / и́же скита́хуся в пусты́нях и гора́х. / Тем  
поровновáв, свя́те, / в пусты́ни Горы́ Афóна во  
умерщвлéнии плóти пожыл еси́ / и ны́не, с препо-  
до́бными торжеству́я на Небеси́, моли́ спастися  
нам.

**Сла́ва, и ны́не, пра́здника и́ли Богоро́дичен:**

Безневéстная Чы́стая Богоро́дице Де́во, / еди́на  
Предста́тельница ве́рных и покрóве, / бед, и скор-  
бе́й, и лю́тых обстоя́ний всех изба́ви, / на Тя  
упова́ние иму́щих, Отрокови́це, / и ду́ши на́ша  
спаси́ Божéственными мо́льба́ми Твои́ми.

**По 2-й стихоло́гии седа́лен, глас 4:**

Досто́йный преéмник яви́лся еси́, иерáрше, див-  
ных святы́телей Христо́вых, / добродéтельницами укра-

шенных и прославленных чудесы, / иже труды и беды понесóша, Църкве Правосла́вие охраня́юще, / сим послéдуя, Нифонте, / скорби, изгнания и уничижения претерпéл еси́ véры ра́ди. / Дерзнове́ние у́бо имéя, проси́ нам ми́ра и véлии ми́лости.

### **Сла́ва, и ны́не, пра́здника и́ли Богоро́дичен:**

**Де́во** Всенепоро́чная, Пресу́щнаго Бо́га ро́ждшая, / со святи́телем Того́ непреста́нно моли́ / оставле́ние прегреше́ний и исправле́ние жити́я да́ти нам пре́жде конца́, / véрою и любви́ю пою́щим Тя по до́лгу, еди́на Всепéтая.

### **Кано́н, глас 8.**

#### **Песнь 1**

**Ирмо́с:** *Вóду проше́д, я́ко су́шу, / и египетскаго зла избежа́в, / израильтянин вопия́ше: / Изба́вителью и Бо́гу на́шему поим.*

**Пресвѣтлою сла́вою** Божества́ озаряе́мь, Божественный́ о́тче, / души́ моея́ мглу разжени́, / да воспóю сла́вныя по́двиги тво́я, Хри́стов иерарше́.

**Благочестиваго** ко́рене о́трасль сый, блаже́нне, / за́кон живото́рный всех Влады́ки от ю́ности возлюбил еси́ / и вся́кое беззако́ние умерщвля́ющее возненави́дел еси́.

**Текущих** непостоя́нства избежа́в, / веще́ственная на духо́вная пременя́л еси́, я́ко Богому́дрый, / и благода́тию Бо́жиею обогати́лся еси́, благосла́вне.

**Четвери́цу добродете́лей** приусво́ил еси́, преподо́бне, / целому́дрие, му́дрость, му́жество и пра́вду, / и те́ми возше́л еси́ на высоту́ богозрѣ́ния.

**Божественными** бодросты́ми, постóм же и моли́твою воору́жився, / плóти, ми́ра и диа́вола победи́тель, о́тче, был еси́, / Всемо́гущия Трóицы осенѣ́н сýлою.

**Богоро́дичен:** *Ма́ти Бо́жия, / моли́тися не преста́й о живу́щих в Горé Тво́ей, / да напра́вит Госпо́дь стопы́ на́ша по словеси́ Своему́, / да благода́ть и ми́лость от Него́ обря́щем.*

#### **Песнь 3**

**Ирмо́с:** *Небе́снаго кру́га Верхотво́рче, Го́споди, / и Църкве Зижди́телю, / Ты мене́ утверди́ в любви́*



*Твоей, / желаний краю, верных утверждение, /  
Едине Человеколюбче.*

**П**лотское мудрование рачением Божественным  
препобедив, / притекл еси всеусердно на святую  
Гору, / идеже, Богозванне, стяжал еси смирением  
высокая.

**В**селъник сый обители Предтечи, блаженне, /  
благоугодил еси Богу преподобническими тру-  
ды твоими / и монашествующих Афона явился еси  
наставник и заступник.

**И**стины ревнителя уведевше тя, святогорстии  
иноцы / Богомудрыми словесы твоими просвеща-  
хуся и познанию воли Божии поучахуся. / Темже  
тя, отче отцев, почитаем.

**Т**рисолнечнаго Божества не вечерний свет при-  
им в сердце своем, / показался еси столп пресвет-  
лый, / всю Гору озаряя, Нифонте богатосветле.

**Богородичен:** Державное прибежище иноком  
Горы Твоея, Богородице, / не презри нас, притека-  
ющих к заступлению Твоему, / но, предваряючи,  
спасай от всякия беды и скорби.

#### **Седален, глас 4:**

**В**ышних ища, приял еси богатство некрадомо  
благодати, / и вся обогащаеши верных, священ-  
нейший Нифонте, / и сердца веселиши притека-  
ющих к тебе. / Тем, достойную мзду твоих трудов  
приим от Подвигоположника Христа, / молися  
Тому прегрешений оставление даровати / праз-  
днующим любовью святую память твою.

#### **Слава, и ныне, праздника или Богородичен:**

**С**лово Отчее, Христа Бога нашего, от Тебе  
воплотившагося, познахом, Богородице Дево, /  
едина Чистая, едина Благословенная. / Тем непре-  
станно Тя, воспевающе, величаем.

#### **Песнь 4**

**Ирмос:** Ты моя крепость, Господи, / Ты моя и  
сила, / Ты мой Бог, Ты мое радование, / не оставль  
недра Отча / и нашу нищету посетив. / Тем с  
пророком Аввакумом зову Ти: / силе Твоей слава,  
Човеколюбче.

**Ты** был еси́, всечестне, по́стник, / во а́лчбе и жа́жди пребыва́яй и трезвѣя́ся во бде́ниях и моли́твах, / ты друг друго́м и враго́в примире́ние, / ты страна́ных упоко́ение и в беда́х помо́щник.

**Ты**, о́тче, смире́н, крото́к, незло́бив, безмо́лвен и сострада́телен ко всем показáлся еси́, / ты заступле́ние си́рых, ни́щих бога́тство, / утеше́ние скорбя́щих и всех исправле́ние, досточу́дне.

**Ты**, преподо́бне, мона́шествующим Горы́ Афони́ския свети́льник, утвержде́ние и ра́дование, / ты в по́двизех и добродете́лех яснейши́й о́браз, / живопису́яй нам спаса́тельную стезю́ де́яния и зрѣ́ния.

**Ты**, Ни́фонте, наста́вник возжелѣ́нен был еси́, / сла́док словесы́, прост нра́вы, духо́вными дарова́нии пребога́т, / Пресвято́ю Трои́цею ущедрѣ́емь во спасе́ние мно́гих, Богоприя́тне.

**Богородичен:** Ты патриархов сла́ва, Влады́чице, / святите́лей похвала́ пресве́тлая, / Ты по́стников украше́ние и ино́ков освяще́ние, / Ты ве́рных спасе́ние и ми́ра всего́ покрóв, Преблагослове́нная.

## Песнь 5

**Ирмо́с:** Просвети́ нас повеле́нии Твои́ми, Го́споди, / и мы́шцею Твое́ю вы́сокою / Твой мир пода́ждь нам, / Человеколю́бче.

По́стничеством предочи́стив ду́шу и те́ло, прехва́льне, / священства сподо́бился еси́ пома́зания свята́го / и был еси́ иере́ев благоле́пие.

Сосу́д свяще́н сый Ду́ха благода́ти, / испроси́ нам освяще́ние, / любо́вию почита́ющим, священно́таинниче, па́мять твою́.

**В** вы́соту́ любве́ дости́г, всечестне, / на вы́соце́м све́щнице Це́ркве поста́вился еси́, / архипа́стырь быв христоиме́нитым лю́дем.

Трои́ческим сия́нием озарѣ́емь, / Божество́нных, Ни́фонте, позна́л еси́ уче́ний глубину́ / и па́ству твою́ те́ми умудря́л еси́.

**Богородичен:** Тебе́, Богоизбра́нная, Предста́тельницу́ има́мы непосты́дную: / изба́ви, Госпоже́, Го́ру и оби́тель сию́ от нашества́ язы́к, / яко́ Твое́ досто́яние.



## Песнь 6

**Ирмос:** Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Бóже спасения моего.

Величают тя, Богомудре, Фессалоникский град и Византия славная / и с ними святоименный Афон, / имуще тя пастыря и молитвенника.

Ублажает тя Влахийская страна и радуется о тебе, / сладкоглаголиваго учения твоего насладившись и молитв, / имже утверждал еси ю.

Како достойно почтим труды, болезни и поты, / подъятыя тобою, иерарше, паствы ради твоея, / гонения же от враг видимых и невидимых?

Да славу неизменную благоугодивших Троице улучиши на Небеси, / славу земную, отче, презрел еси, / изгнание, озлобление же и уничтожение терпя истины ради.

**Богородичен:** Радуйся, стено неборимая иночествующих в наследии Твоем, Приснодево, / и оружие непобедимое на борюция ны, / спасающая Тя призывающия.

## Кондак, глас 8:

**С**лавных подвигов твоих, святителю Христов, / светоносная память возсия днесь, / услаждающи души и освящающи / лобызающих твою честную мощи. / Темже с веселием зовем ти: / радуйся, Нифонте Богомудре.

## Икос:

Ангела ты зряще во плоти, святе, / удивлением содержиши о великих исправлениях твоих постнических и пастырских, / сиевая радостная тебе приносим: / радуйся, света Божественнаго приятельце; / радуйся, добродетелей сокровище. / Радуйся, Церкви непоколебимый столпе; / радуйся, Православия ревнителю. / Радуйся, светильниче Афона пресветлый; / радуйся, звездó, Восток озаряющая. / Радуйся, падающих возстание; / радуйся, согрешающих исправление. / Радуйся, яко явился еси верный служитель Божий; / радуйся, яко вшел еси в вечную радость Господа своего. / Радуйся, от

бед избавляяй призывающия тя;/ радуйся, от всяких злых подай свободение./ Радуйся, Нифонте Богомудре.

### Песнь 7

**Ирмос:** От Иудеи дошедше, отроцы / в Вавилоне иногда / верою Троицкою пламень пещный попраша, поюще: / отцев Боже, благословен еси.

Лишенный престола твоего, яко другой Златоуст, неправедно, / даровался еси паки, всечестне, Афону, взывающему о тебе: / отцев Боже, благословен еси.

Вселився, якоже и первее, во обители Дионисиатстей, украстель тоя был еси, / великим же смирением и терпением твоим, святе, вся иноки Горы удивил еси, взывающия о тебе: / отцев Боже, благословен еси.

Егда ты, досточудне, явился еси к бедствовавшим в мори, / абие бысть тишина, и вси спасошася от потопления. / Но и наше утиши волнение страстей молитвами твоими, да поем: / отцев Боже, благословен еси.

Апостолов преемника, великих святителей единоправна, / постников ревнителя, молим тя, Нифонте: / буди ходатай ко Пресвятей Троице о нас, поющих: / отцев Боже, благословен еси.

**Богородичен:** Дивна Ты, Владычице, во святем Горы Твоея / и пастыре словесных овец Сына Твоего, Нифонте прехвальнем, / егоже молитвами соблюдай нас в мире и любви, да поем: / отцев Боже, благословен еси.

### Песнь 8

**Ирмос:** Седмерицею пещь / халдейский мучитель / Богочестивым неистовно разжже, / силою же лучшею спасены сия виде, / Творцу и Избавителю вопияше: / отроцы, благословите, / священницы, воспойте, / люди, перевозносите во вся веки.

Страдальческаго жития твоего, прехвальне, подражателие, ученицы твой Макарий и Иоасаф, / молитвами твоими укрепленнии, / мужески за Христа пострадаша, вопиюще: / мученицы, перевозносите Его во веки.



**Течѣние скончавъ, Богомудре, веру соблюл еси, / прочее соблюдеся тебе венец правды от Христа, / уготованный любящим Его пастырем и вопиющим: / святителие, превозносите Господа во веки.**

**Егда гонитель твой, святе, не обреташе при жизни и по смерти покоя, / ты, яко незлбивый, принесением мощей твоих / подал еси тому прощение и покой, во еже всем вопити: / людие, превозносите Господа во веки.**

**Яко заповедей евангельских хранитель, / от всякия скверны плоти и духа очищен, / Пресвятый Троицы был еси священное жилище. / Тем притекающая к мощем твоим освящаеши, во еже тем вопити: / раби Господни, превозносите Господа во веки.**

**Богородичен: Избави, о Всеблагая Госпоже, / сущия во Афоне раби Твоя от лютых в житий сем и по кончине, / да благодарственно о Тебе взываем: / преподобнии, превозносите Господа во веки.**

### Песнь 9

**Ирмос: Войстинну Богородицу / Тя исповедуем, / спасеннии Тобою, Дево Чистая, / с Безплотными лики Тя величающе.**

**Святостию дел и благодатию словес твоих насладившиися, всеблаженне, иже во Влахии, вернии / и праха от гроба твоего искаху прикоснуться, / дивнаго во святых Своих Господа величающе.**

**Сострадательный ко всем нрав твой видев, / Всеблагий Бог источник показя чудес честных останки твоя, всехвальне, / с верою к ним припадающим и Вышняго Дароподателя величающим.**

**Свидетельствуют гради и веси Влахии обилие благодати, / истекшия от твоих мощей, всеславне, / в принесении бо тех исцеления повсюду подавахуся Господа о тебе величающим.**

**Престолу предстоя Трисолнечнаго Божества, / яко преподобен, яко святитель, яко патриарх деянием и зрением, / проси нам, Богоприятне, мира и спасения, / да о тебе Пресвятую Троицу величаем.**

**Богорóдичен:** Маріе Всепéтая, молітвы Твоего угодника Нифонта прими о нас, / совершающих память его, / да, предстательством того спасеннии Тобою, / с Безплóтными лики Тя величаем.

**Светілен:**

Огнь Пресвятаго Духа прияв в душу твою, óтче, / явился еси весь óгнен, якоже видяху ты иноцы Дионисиата, / Божественною бо любовью пламенея, / просвещаяши и согреваеши с верою притекающих к тебе, / святителю Нифонте пребогате.

**Слава, и ныне, праздника или Богорóдичен:**

С Богом на Тя, Пречистая, упование возлагаем, / Иже из Тебе прошедшему сраспинаем Христу; / Твоими же к Нему мольбами невредимы даже до конца нас сохрани.

**На хвалітех стихіры, глас 4:**

Приидите, все множество монашествующих на Афоне, стецемся / и воспойм святителя Христова Нифонта, / друга Богоматере искренняго, / образ жития постническаго, / правило веры Православныя / и зеркало всех добродетелей, / молящаяся о спасении душ наших.

Днесь радуются в памяти твоей, Нифонте приснопамятне, / влахийстии людие, елладстии и фракийстии / и Афона насельницы, / отца и пастыря ты имуще, / житие твое святое ведущии / и благодатию не престающими наслаждаются / от целебных мощей твоих. / Молись о спасении душ наших.

Одежду святительскою украсився, / изгнания претерпел еси, святе, / и скорби различныя и лютыя, / мученик воистинну произволением, / якоже Иоанн, златый усты, / егоже и славнаго престола сподобился еси быти наследник / и вечныя славы соучастник, / Нифонте достохвальне, / молись о спасении душ наших.

**Слава, глас 5:**

Равноангельнаго жития твоего изрядство / и души благодатную лепоту зря, / ангельский сонм



ликовáше, / Нифонте Богомúдре преподóбне, / в  
 честнѣм успѣнии твоѣм, / полцы же тѣмных áдских  
 сил, / безсильно ярящеса, лóте посрамляхуса, / ты  
 бо, презрѣв вся земнáя наслаждѣния, / весь к  
 Небесí вперѣн был есí, / идѣже ликúя ныне со  
 Ангелы, / у Христá испросí нам мир и вѣлию  
 мíлость.

**И ныне, прáздника или́ Богорóдичен.**

**Славослóвие вели́кое. И отпúст.**

**Святитель Нифонт, Патриарх Константинопольский**, был родом из Греции, принял монашество в Епидаврионе. После смерти своего старца Антония он удалился на Афон, где занимался перепиской книг. Впоследствии святитель был избран митрополитом Солунским, затем занимал патриарший престол в Константинополе и был первосвятителем Валахии. Изгнанный за обличения, святитель удалился на Афон сначала в Ватопедскую обитель, а затем в обитель святого Иоанна Пред-

течи (Дионисиат). Он скрыл свой сан и исправлял низшие должности. По особому откровению его сан был открыт братии обители. Однажды, когда святитель возвращался из леса, куда ездил за дровами, все братия вышли к нему навстречу и торжественно приветствовали как Патриарха. Но и после этого святитель разделял с братией равные труды. Скончался он 11 августа 1460 года 90-летним старцем. Служба святителю происходит из Русского Пантелеимонова монастыря на Афоне.

